

اللعنة

اللعنة

حسن عز الدين

تصميم الغلاف: عمرو الحو

المراجعة اللغوية: رولا حسينات

رقم الإيداع: 2017/26212

I.S.B.N:978- 977-6640-03-0

الطبعة الأولى 2018م



للنشر والتوزيع

الإدارة: 17 ش عزت باشا المطرية، القاهرة.

المدير العام: آية سعد الدين

مدير النشر: د. رامي عبد الباقي

نائب المدير: رامي غزالت

شؤون إدارية: رقية عبد الله

هاتف: 01147633268 - 01099387500

E – mail:zeinpublish2017@gmail.com

Facebook: Zein Publish

جميع الحقوق محفوظة ©

حسن عز الدين

اللعنة

رواية



إهداء 2

أهدي أول رواياتي للشخصية التي كانت وراء خروج هذه
الرواية للنور ... شكرًا لهذه الثقة التي أسعى أن أستحقها الآن
وفيما هو قادم...

إن شاء الله "

الطمع يجعل الأغنياء فقراء

بنجامين فرانكلين

في الماضي

في عصر الأسرة الـ الثامنة عشر الفرعونية

ما بين عام 1570 – 1070 قبل الميلاد

زمن المملكة الجديدة- طيبة "الأقصر حاليًا"

استطاع القائد حور محب "دجسرخيرو رع" آخر فراعنة الأسرة المصرية الثامنة عشر في مصر القديمة من 1320 ق.م إلى أواخر 1292 ق.م الانتشار بين أوساط الكهنة ورجال الدين من خلال رجال الجيش الخاص به، ومن خلال ذلك استطاع إبعاد ورثة البلاط العمارني، وفي ذات الوقت استطاع حور محب تنصيب رمسيس قائدًا عسكريًا يخلفه لقيادة الجيش الخاص به ... ومن خلال بعض المساعدات الداخلية بالمملكة استطاع أن يستولي على العرش بعد أن أزاح الملك توت عنخ، ومن بعده الملك "أى" المسن العجوز الذي لم يستطع أن يدفع بابنه "نخت مين" لتولي العرش من بعده.

مدعيًا أن الإله حورس هو من دفعه ليتوج ملكًا عن طريق الإله آمون، وعلى الفور قرر أن يكون هو القائد الذي يتولى الإصلاح العام بالمملكة...على الفور بدأ في الإصلاح الشامل وإعادة تنظيم هيكل المنظمة العسكرية والمجالس الإدارية بالأقاليم، كما قام بتوسعات معمارية بمعبد الكرنك وتشيد الصرحيين المميزين التاسع والعاشر في الجنوب، كما قام بفك

المعابد الأتونية التي شيدت في عصر الملك الراحل اخناتون وتشيد الصرح الثاني في الغرب.

في هذه الأثناء دَوّن الملك حور محب كتاب الدهاليز؛ وهو إحياء رمزي لبعث الشمس، وأضاف لمقبرته بمدينة منف صورة للحية المقدسة فوق جبينه ... تولى كل هذه الترتيبات والأعمال رجل لم يعرف في جميع الأوساط ولكنه كان مثل الشبح ،عرف فيما بعد باسم "ميرشيت".

كان ميرشيت الكاتب الخاص بالملك وحافظ الأسرار ومراقب الكهنة بجميع دور العبادة، ولكن لم يلتق به أي فرد بالملكة فقد كان مثل الشبح بالفعل وكان يعيش بمنف... حاول كثيراً أن يزيح رمسيس من قيادة الجيش حتى يستطيع أن يخلف هو الملك حور محب، ويسلك نفس الطريق الذي سلكه حتى وصل للعرش ولكن هيماء ... فقد كان رمسيس قائداً مخضرمًا وقويًا بكل المقاييس ويتميز بالدهاء.

لم ينجب الملك حور محب من يرثه في العرش وهو ما جعل نهم شيت يزداد لأن يكون وريث العرش لبدء مرحلة جديدة يطبع ما تعلمه على يد الملك حور محب، ويثبت سمومه في أرجاء المملكة ويستطيع أن يجمع ثروات من كل الأقاليم المحيطة.

الأمر الذي نجح به، وتميز الملك حور محب هو إعادة الأمن للبلاد، ولكنه كان على اهتمام غير مسبوق بالمقبرة التي تخصه والتي سوف ينتقل من خلالها إلى الرحلة الأبدية والتي كانت من أقوى المقابر وأروعها لما بها من رسوم ودروس وعبر، والتي أشرف عليها شيت بنفسه ولم يترك هذا الأمر لأي شخص آخر.

في البداية كان حور محب يشيد مقبرة غير ملكية بمنطقة سقارة، ولكن بعد أن جلس على العرش قام ببناء مقبرة بوادي الملوك؛ وهي من المقابر المميزة التي بها نقوش بارزه ... كما تميز خلال فترة حكمه ببنائه معابد آمون، ومراقبة جامعي الضرائب، والتأكد من جهات صرفها، ومحاربة الفوضى والفساد فقد كان أول ملك من أفراد الشعب يصعد من القاع ليتولى عرش مصر، كما قضى على الفتن وسجل هذا القانون على لوح حجري طوله خمسة أمتار وعرضه ثلاثة أمتار، عُثر عليه بمعبد الكرنك ..

في أحد الأيام استدعى الملك حور محب شبحة الخاص شيت، وكما هو المعتاد وصل في جنح الليل وما أن قابل الملك حتى طلب منه الملك أن يبدأ في بناء المقبرة الملكية بوادي الملوك؛ وهو الأمر الذي جعل شيت يستشعر قرب أجل الملك، وبدأ في فرض سيطرته على جميع الكهنة ليضمن تأييدهم ودعمهم له؛ ليستولي على العرش بعد أن وعدهم بالكنوز والأموال الوفيرة.

قبل أن يتم الانتهاء من المقبرة طلب الملك حور محب من شيت الحضور وكان الحوار الآتي:

حور : كيف حال المقبرة؟

شيت : شارفت على الانتهاء أيها الملك العظيم.

حور : وما أخبار الكهنة بأرجاء المملكة؟

شيت : يصلون لك يا مولاي ولأمون إلهنا العظيم.

حور : شيت هات ما عندك !!!

شيت : ليس لدي ما أريد أن أقوله يا مولاي...

حور : ماذا تفعل مع الكهنة ولماذا تدعمهم؟!

شيت : إنهم رجال الآلهة على الأرض وأنا أعظمهم لا أكثر.

حور : لدي إليك خبر قد يغير من خططك.

شيت : أوامرك يا مولاي.

حور : لقد قررت أن يستكمل كبير المهندسين بناء المقبرة.

شيت : سوف يتم تسليمه كل مقاليد الأمر يا مولاي.

حور : كما قررت أن انصب رمسيس قائد الجيوش خلفاً من بعدي.

شيت : ماذا يا مولاي ... كيف؟

حور : ماذا تقول أيها الكاتب شيت .. أجننت ؟

شيت : خادمك المطيع يا مولاي ولم اقصر في أي من طلباتك أو أوامرك، وكنت أنتظر أن ترفعي للعرش من بعدك وأن أكون خلفاً لك.

حور : لذلك حاولت أن تنشر سمومك في البلاد وأن تحاول جذب تأييد الكهنة.

شيت : مولاي ... عبدك المطيع لا يفعل ذلك.

حور : حاولت خيانتني والتأمر لسلب الحكم مني.

شيت : مولاي ... لا أقوى على فعل هذا الأمر.

حور : سوف يتم نفيك لبلاد النوبيين.

شيت : كن رحيماً بي يا مولاي ...

ثم استدعي الملك الحراس لتنفيذ المطلوب، وطلب من أحد الخدم مرافقة شيت لحين تسليم كل الأمور التي يقوم بها من مقبرة أو كتابات خاصة بالملك.

خرج شيت من عند الملك وهو يشتعل من الغضب فقد أنفق الكثير على الكهنة، ودعم الكثير، وقد ضمن أن يدفعه به للعرش من بعد الملك، والآن يتم إقصاؤه بهذه الطريقة ... يا لها من مهانة وإذلال لم يمر بهم من قبل ... كيف للملك أن يفعل به ذلك؟ وعلى الفور قرر أن يستولي على بعض الكنوز وبالفعل نقل الكثير من كنوز الملك إلى أحد الأماكن البعيدة في عمق الصحراء.

في هذا المكان كان شيت قد شيد مملكة صغيرة تقوم بحماية نفسها، وتستطيع أن تقاوم أي حصار لمدة عام كامل بسبب المخازن التي دفنها تحت الأرض وبدأ في الانتقال إلى هذه المملكة على الفور بعد أن استطاع أن يدس بعض السموم للملك في الطعام، مما عجل بموت الملك حور محب وبذلك يستطيع شيت أن يستولي على الحكم قبل أن ينقله إلى رمسيس، وما أن مات حتى انتقل من بلاد النوبة إلى هذا المكان، في مكان بالقرب من مدينة سوهاج الحالية على بعد 700 متر جنوب المحافظة.

ما أن توفي الملك حور محب حتى بدأت الفوضى تعم البلاد، وبدأت الأطماع الخارجية في السعي للبلاد وكل ذلك برعاية الشيخ شيت ... لم يكن يحسن شيت التفكير بأمر رمسيس الذي استطاع أن يحارب جميع الطامعين من خارج البلاد، واستطاع خلال أعوام قليلة أن يوحد الجميع تحت رايته، ولكن شيت لم ييأس وسعى للخراب بكل الطرق والسبل.

ما أن قضى رمسيس على كل التهديدات حتى استطاع أن يتولى العرش، ويجمع الشعب تحت رايته ليبدأ عهداً جديداً، ولكن بقي له أن يقضي على شيت لينهي كل الشرور بالمملكة، وبالفعل استطاع دس الجواسيس والأتباع للوصول لمقر شيت وقتله دون رحمة، ولكن قبل أن يهاجم رمسيس المكان وينحر رقاب كل من فيه ... استطاع الكهنة والأتباع المخلصين الهروب ومعهم جثة شيت، وكما طلب منهم قبل الموت وهو الأمر الذي لم يتفهمه الكهنة.

فقد أستدعي شيت كبير الكهنة قبل وفاته وأغلق جميع الأبواب والنوافذ وتأكد من عدم وجود أي شخص، واتفق معه في حالة قتله أو وفاته قبل أن يتولى العرش أن يتم دفنه بالمقبرة التي تقع عند الركن الشرقي لمملكته كما كان يقول عنها، وأن يتم وضع اللعنات ودس السموم بكل الأركان ومنع وصول رمسيس أو من يتبعه لهذا المكان ... وقد طلب وضع كل الكنوز الهامة وعلى الأخص الكنوز التي استولى عليها من الملك حور محب قبل أن يتركه.

وعند وضع الجثة بالمقبرة وصبّ جميع أنواع اللعنات
بالمكان، وتسخير حراسٍ من جميع الأطياف والأديان لحراسة
المكان ومنع أي لص أو تابع للملك رمسيس من الوصول إلى
الجثة ... قبل أن يخرج الجميع من المقبرة وقف كبير الكهنة
وقد ألقى بنوع من أنواع السحر العجيب الذي لم يفهمه باقي
الكهنة ولكنهم هربوا بمجرد أن وضعه كبيرهم.

الفصل الأول

في الحاضر

أنا أسمى خالد...

قبل أي شيء أحب أن أعرفكم بنفسي واحكي لكم حكايتي ...
هي حكاية مفهّاش جديد، بس هي حكاية فيها الغريب وفيها ما لا
يمكن أن تتخيله ... قد أكون خرجت عن نطاق المنطقي
وتحولت لنطاق اللامعقول في كل تصرفاتي، ولكن هاسيب لكم
أنتم الحكم من خلال الأحداث.

أسمى خالد محمد احمد إبراهيم...

أنا عمري وقت ما ابتديت أحكي لكم الحكاية دي 35 عام
بالضبط والكمال ... أتخرجت من كلية التجارة بعد عناء سبع
سنوات دراسة، مش فشل ولا ضعف في قدراتي العقلية لا
سمح الله، ولكن الأغرب هو أنني كنت خايف أخرج للعالم بعد
ما أخلص الكلية وما لاقيش شغل، وطبعاً انتسب لمجتمع
العاطلين دون داعي، وابتدي احترف قعدة القهاوي والكافيات،
وطبعاً أحترف لعب البلاي ستيشن علشان أضيع وقتي.

ولكن كان قراري غريب شوية وهو إني استثمر وقتي في
الكلية لحد ما ألاقى شغل، ووقتها بس اجتهد إني اخلص الكلية
بأسرع وقت ممكن وأخرج للعمل وأنا ضامن مكاني وبالمرة أكون

أخرت فرصة دخولي الجيش ... أصل أنا ليا اخيين عادل وجلال... عادل الكبير ومش عايز أقولكم عامل زي ما يكون هو عملي الأسود، مفيش مصيبة أقع فيها إلا ويكون في ظهري، وطبعاً بعد ما أخرج من المصيبة يشتغل على دماغي مواعظ وحكم من اللي قلبك يحبها ومايسينش غير لما أكره إني عملت المصيبة دي.

والدي توفي من وأنا صغير تقريبا وأنا عندي 12 سنة، ودايماً كنا عايشين على المعاش بتاعه، وكمان عادل كان بيشتغل في محل ملابس علشان يساند في المصاريف بتاعة البيت، دا بالنسبة لعادل أما بخصوص جلال؛ فهو شخص غريب عامل زي الضيف بيعي ينام عندنا، ومعظم الأوقات اللي بيعي فيها بيكون البيت فاضي أو بالصدفة بكون موجود ... هو أخي التوأم بس دايماً بحس إنه بعيد عني مش عارف ليه ؟... حتى في الثانوية العامة قرر إنه يدخل ثانوي تجاري، وكان قراره بكده علشان يقدر بيتدي يشتغل من بدري ويقدر يوفر مصاريفه، وبالفعل نفذ اللي هو قرره دون مناقشة من أي حد فينا في الأسرة.

والدتي هي عامود البيت كانت تعمل بوزارة التربية والتعليم، وكمان كانت بتدي دروس خصوصية بأحد الأماكن المشهورة، والأهم من كل ده كانت بتكتب مذكرات وروايات ولكن عمر الروايات دي ما شافت النور، لأنها مقتنعة إنها مش حلوه ...على النقيض كنت أنا وأخواتي ليس لنا أي علاقة بالقراءة أو الإطلاع ... كل الاهتمامات رغم اختلافها ولكننا نلتقي بشكل دوري على مائدة الطعام وكل واحد يحكي اللي عنده.

المهم مش عايز أشغلکم کثیر بحکایات عن البيت، هانبقى نتکلم عنهم تاني لما يجي وقتهم في الرواية ودلوقت هابتدي أديکم مقتطفات من حياتي لحد ما تعرفوا أنا وصلت هنا أزاى؟ ... انتوا بتسألوني هنا فين؟ هاتعرفوا بس مش دلوقت... في الوقت المناسب.

جامعة القاهرة – كلية التجارة – عام 2000

وصلت الجامعة كما هو المعتاد ... وما إن دخلت حتى قابلت أحمد عبد الله صديقي الصديق من سنة أولى جامعة وإحنا مع بعض، وقررنا إننا مش هانجح السنة دي علشان بيقولوا عليها صعبة، وكمان علشان ندور على شغل نبتدي بيه حياتنا ... ناس كثير في الجامعة مش مصدقه القرار ده، بس أحنا اتقفنا وقررنا ومفیش حد هيقدر يغير رأينا غير إننا نلاقي الفرصة المناسبة.

خالد : سلامو عليكو

احمد : وعليکم السلام يا سيدي.

خالد : حبيب قلبي يا دماغ ...

احمد : أيه يا عم أتأخرت ليه ؟

خالد : طب اصبر أقعد آخذ نفسي...

احمد : هو أنت كنت بتجري؟ ... ما أنت جاي بالمTRO.

خالد : طب أشرب أي حاجة.

احمد : في صوت عالي ينادي - حمادة هات الشاي بتاع خالد.

خالد : يا عم الجو وحش قوي وحر جداً ... بقولك أيه أنا هاشرب بيبسي.

احمد : معاك فلوس يعني وناوي تدلع نفسك؟!

خالد : لا .. أنت هاتعزمي.

احمد : انسى يا مان .. الحالة ناشفة.

خالد : ليه كده يا عم أحمد؟

احمد : أمي لما عرفت إني قررت أسقط علشان أدور على شغل قررت تمنع عني المصروف، ومش بعيد تحرمي من الميراث.

خالد : المصروف .. يانوغه يا دلوعة ماما.

احمد : أنا مش ناقصاك ... كفاية نكد البيت والتقطيم في الداخلة والخارجة على موضوع السقوط ده.

خالد : آمال مين هايدفع حق الشاي بتاعي؟!

احمد : إنت وهاتدفع حق الشاي بتاعي كمان...

خالد : أحيه ... ليه النكد ده؟

احمد : مالك بس .. كل ده علشان حق الشاي بتاعي؟!

خالد : لا يا خفيف علشان كده هانروح مشي يا ابن اللذينة... حبكت ضميرك ينقح عليك وتقول لأمك؟

احمد : ما أنا قلت أقولها بدل ما تزعل لما تشوف النتيجة.
خالد : غبي ... سيهم للمفاجأة ، دلوقتي العين هاتبقي عليك
وما حدش هايسبك تسقط.

احمد : أنا قد كلمتي واتفاقي معاك ... عيب عليك.
خالد : ربنا يستر والخبر ما يوصلش لامي .. لاحسن تنفخني
انا كمان

احمد : ما انت طلعت نوغه اهوه وبتخاف زي
خالد : بس مش غبي وادلقت زي الجرذل واعترفت مع اول
قلم

احمد : في دي عندك حق .. جرذل وغبي وحمار كمان
مرت الأيام والصراحة أحمد كان صادق في وعده وأنا
كمان... إحنا اتفقنا على ثلاث مواد من أصل 12 مادة،
والصراحة الدكاترة ما قصروش معانا، الثلاث مواد دراسية
أصبحوا خمس مواد دراسية .. عرفت بعد ما النتيجة ظهرت
بالجامعة إن الدكاترة حبوا يوجبوا معانا، لما عرفوا إننا ناوين
على السقوط واهو بالمرة يبقى بيشاركوا معانا في الاتفاق.

أحمد أول ما عرف النتيجة وأمه عرفت ... أتفرض عليه
حظر تجوال، واتفقوا عليه في البيت إن مفيش نزول نهائي طول
الأجازة، وأنا أهي زعلت شوية، بس لما عرفت إننا ناوي أدور على
شغل فرحت، وحست قد إيه أنا عايز أشارك في المسؤولية،
ولكن ضميري الحي الذي لا يموت أبداً عادل وكما هو المعتاد

فضل ينصح فيا وفي دخوله وخروجه من الشقة يلاقيني قاعد؛
بمسك وداني لحد ما أقنعني إني ما اكسلش وأنزل أدور على
فرصة شغل علشان ما يصطادنيش كل شوية ... أما جلال
فأول ما عرف بص لي بقرف وقال: يا تكون قد الحاجة اللي
أنت بتعملها، يا تتلم وتقعّد في البيت زي النسوان ... في الفترة
دي كان جلال خلص الدبلوم بتاعه، واشتغل في محل ملابس
مشهور قوي في وسط البلد.

وكما هو المتوقع وزى ما أنا قلت لأحمد حظر التجوال ده
مش هايستمر؛ لأن أنت هاتزهق وهاتقعّد تزن إنك عايز تنزل،
وهما هايزهقوا من قعدتك في البيت طول الوقت، وكمان إنت
استهلاكي وبالتالي هاتبتدي تخلص الأكل والشرب وبكده هايكون
حظر التجوال مدته مهما طالّت لازم ينتهي ... وبالفعل بعد أقل
من شهر راح أحمد وطلب من والدته إنه ينزل ووافقت دون
جدال أو نقاش وهنا قالها: إنه ناوي يدور على شغل. وكان ردها
بعصبيه عليه...: "اعمل اللي أنت عايزه مش أنت عملت اللي في
دماغك وسقط في الكلية زي ما نويت ... خلاص اعمل اللي أنت
عايزه ... بس خلي بالك من مستقبلك ومن حياتك أنت مسئول
عن نفسك."

المهم في الوقت ده قررت أنا وأحمد ندور على أي حد عايز
محاسب تحت التمرين، وللأسف كل رحلات البحث باءت
بالفشل ... وهنا قررت إن ليه أنا وأحمد مش نعمل مشروع
لينا، ونبدأ نفكر في مستقبلنا بشكل صح أكثر ... و ندور إحنا
بنعرف نعمل إيه؟

من هنا بدأت المشكلة إحننا مش معانا رأس مال للمشروع، يبقى لازم نوافق بأي شغل علشان نبدأ في مشروع خاص بينا وعليه ... من خلال البحث والتمحيص لاقيت فرصه إننا نكتب رسائل في مكاتب الكومبيوتر اللي عند الجامعات، وبالفعل بعد شوية لف على المكتبات لاقينا مكتبة قرب ميدان الجيزة بتكتب رسائل الدكتوراه والمجستير، واتفق معانا على المرتب على حسب السرعة والدقة في الكتابة وإننا هانشتغل أكبر وقت ممكن نقدرفيه نخلص الرسائل الموجودة.

وفي أحد الأيام حضر الأستاذ سيد وهو معيد في كلية آداب علشان يراجع رسالة الدكتوراه الخاصة به مع خالد بعد كتابتها، وإضافة بعض التعديلات اللغوية والفنية في الرسالة.. شاب في العقد الثالث من عمره دائماً ما يبلس نفس البدلة، وتجده يتحدث بلغة عربية فصحي ودائماً ما يصحح كلمات من أمامه خلال أي حديث، كما إنه مرح ولكن ما أن يبدأ العمل في رسالة الدكتوراه تجده وقد اعتلاه الهم وأصابت نظراته اليأس...

خالد : أزيك يا دكتور سيد ؟

سيد : لسه يا خالد .. لسه شوية.

خالد : لسه إيه يا باشا؟

سيد : لسه ما بقتش دكتور...

خالد : الرسالة أهيه .. وإن شاء الله تاخد الدكتوراه.

سيد : الدكاتره اللي بيشفروا على الرسالة صعبين قوي يا خالد.

خالد : يا دكتور ولا يهملك.

سيد : ولا يهمني إزاي أنا أمي مستنيه تقولي يا دكتور وفلوسي قربت تخلص.

خالد : يا باشا ...لو الفلوس مزنقا معاك ... أقدر أخدمك.

سيد : أزاي بقا .. إن شاء الله.

خالد : أنا ممكن أكتب لك أي حاجه عندي في البيت وأدعها لك على فلاشة وأنت تطبعها في أي مكان.

سيد : بس كده صاحب المكتب يزعل.

خالد : وأنا مش بعمل كده مع أي حد ... أنا بخدم الحبايب بس.

سيد : ربنا يخليك ... قابلني بعد الشغل ونظبطها سوا.

وبالفعل بعد إن أنهى خالد العمل قابل سيد بجوار جاد في ميدان الجيزه، واتفقوا على سعر أقل من سعر المكتب، وعليه بدأ المشوار، وبدأ خالد يكتب رسائل في البيت وابتدى ظهوره في المكتب يقل وأحمد ابتدى هو كمان يقل وجوده في المكتب، ويساعد خالد في الكتابة في البيت، ومع مرور الوقت بدأ صاحب المكتب ياخذ باله إن الزبائن عددها بيقل وابتدى، يراقب خالد وأحمد وابتدى ياخذ باله إن الزبائن اللي بتكون

معاهم، مش بترجع تاني وابتدي يسأل لحد ما عرف إنهم
بيسرقوا الزبائن الخاصة بالمحل.

وعليه في أحد الأيام طلب عم أمين صاحب المكتبة من
أحمد وخالد عدم الانصراف بعد ميعاد العمل قبل أن يتحدث
إلهم في موضوع هام وعاجل...

عم أمين : أحمد وخالد.

خالد : خيرا عم أمين ... عايزنا في إيه؟

عم أمين : اللي يخون العيش والملح ... تفتكر نعمل معاه
أيه؟

خالد : مين اللي خائنك؟ وإحنا نقطعه.

أحمد : مين بس مزعلك يا عم أمين؟

عم أمين : أنا استأمنتكم على مكتبتى وانتوا خنتوا الأمانة.

خالد : ما حصلش يا عم أمين.

عم أمين : بلاش كذب.

خالد : عايز أيه من الآخر يا عم أمين؟

عم أمين : حقي في أي شغل عملتوه من ورايا أو هاخذ حقي
بأيدي.

خالد : ماكنش أتعدز ولا باع جزر...

أحمد : خير بس يا عم أمين حق أيه؟

عم أمين : أنا مش بحب الكلام الكثير...

وهنا استدعى عم أمين أربعة شباب من الشارع كانوا في انتظار إشارته للدخول وبالفعل دخلوا... وما أن دخل الشباب حتى حاول خالد وأحمد المغادرة، فقال عم أمين: على فين ؟ ...أعرفكم مين الأربعة دول في نظرة سريعة وموجزة...دول من أكثر الشباب اللي لازم يتوافر فيهم ثلاث حاجات فقدان الوعي بسبب أي نوع من المخدرات سواء حشيش، ترامادول، بركانول، بانجو أي نوع ممكن يذهب العقل، لازم يضربوه ويعنف، الحاجة الثانية: مفيش واحد فيهم وشه سليم لازم يكون فيه علامة، وطبعاً دا زي ما تقدر تقول علامة من علامات الشقاوة وآخر حاجة وهي سلاح أبيض يختلف باختلاف حامله: يعني لو الجسم قوي وعريض تلاقي السلاح صغير، ولو الجسم ضئيل وضعيف تلاقي السلاح كبير ... نظرية عكسية ودا واضح إنه من أحد قوانين الشارع المصري.

نرجع لدخول الشباب الأربعة لمسرح الجريمة ... أسف لمكتبة عم أمين وهنا أقدر أقولكم بمجرد دخول الأشقياء الأربعة، قررت أحاول أغير دفة الكلام علشان ينفع نخرج أنا وأحمد بدون إصابات ولكن هيهات عم أمين كان محدد هدفه ومحدد هو هايعمل أيه.

ما أنا ظهر العملاقة بمكتبة عم أمين بدأ الصراع بيننا ومع أول ضربة سقط أحمد، وبعد صراع لم يستمر كثيراً سقطت ... أفقت أنا وأحمد في مستشفى الهرم وذراعينا مكسورين ... حاولت كثيراً أن أتذكر ما حدث، ولكن لم أستطع ولكن الواضح أن تعليمات عم أمين لهم واضحة يكسروا أذرعنا

الاثنين عشان ما نقدرش نكتب فترة، والناس تبعد وتنسانا وهو اللي حصل بالفعل ولكن حاجه غريبة حصلت خلّتي أشوف جلال بشكل جديد.

الأغرب حضر جلال بعد ثلاثة أيام من دخولي المستشفى.. وما أن دخل حتى سألتني: مين عمل فيكم كده؟ وكان ردي مش عارف... عيال طلّعوا عليا أنا وأحمد والدنيا ضلمه، وقعدوا يحاولوا ياخدوا الفلوس اللي معانا ولكن على مين ... قعدنا نعاقر معاهم لحد ما حد ضرب أحمد على راسه بلف أبص عليه، راح ضربني أنا كمان، وبعد كده صحيت في المستشفى وزى ما أنت شايف يا جلال كده ... خير المهم إني لسه عايش بدل ما حد منهم كان يغزني مطوه، ولا أي حاجه وأروح فيها أنا أو أحمد.

نظر جلال إلينا كثيرًا وكان يشك في صدق روايتي، ولكنه قبل أن يخرج سألتني سؤال ... انتوا اتضربتوا فين؟ وأول ما جيت أرد قالي: مش بسألك إنت أنا بسأل أحمد نظر له أحمد... وقال له بتردد ونطق بصعوبة: ميدان الجيزه ... ولما بص لي أومأت برأسي لتأكيد الكلام ... فقال طيب أنا هاعرف الحقيقة طالما في الميدان.

بعد أول أسبوع روحنا كل واحد مننا لمنزله، وفي البيت كنت كما الكسيح مش عارف أعمل أي حاجه وعمال اتحسبن على عم أمين طول الوقت، وعلى العيال الأربعة اللي عملوا فيا أنا وأحمد وقررت إني أفكر إزاي آخذ حقي منهم بعد ما أفك الجبس وأخرج تاني للحياة ... مع مرور الأيام وانتهاء فترة الجبس

لاقيت جلال ظهر في أحد الأيام في وقت وجودي وحيداً في البيت، وطلب مني ألبس علشان أنزل معاه مشوار ... نسيت أقولكم جلال بحكم إنه شغال بقاله فترة، قدر إنه يجيب موتوسيكل أوزي ما الشباب بيقلوا عليها ممكنه، وبالفعل نزلت وركبت خلفه وتحركنا لبيت أحمد وما أن وصلنا حتى طلب مني أني أخلي أحمد يلبس وينزل هو كمان.

طلعت عند أحمد وقلت له: أن جلال عايزنا ننزل. وكانت المفاجأة إن جلال زار أحمد مرتين خلال فترة الإعاقة اللي كنا قاعدين فيها في البيت ... استغل إني مش عارف أكلم أحمد لأن أمه كانت مقتنعه إن أي مصيبة أحمد بيوقع فيها بكون أنا السبب ... مش عارف ليه؟! ... وعرفت كمان إن أحمد وقع بالكلام كما الجردل وكما هو المعتاد، وقال الحقيقة كلها لجلال ونزلنا أنا وأحمد لجلال وما أن نزلنا حتى قال لي جلال...

جلال : أنت فاكرك إنك هاتعرف تكذب عليا؟!

خالد : مش فكرة ... بس منظري زبالة قدامك.

جلال : إحنا إخوات توأم ... عارف يعني أيه؟

خالد : هو إنت هاتزلفني؟

احمد : وحدوا الله يا جماعة

جلال : اركبوا يا جوز فراخ.

خالد : يا عم اتكلم عدل...

احمد : حاضر يا جلال

خالد : إانت بتسمع كلامه ليه؟

جلال : اركب ياض ... بسرعة يلا...

انطلق جلال بالممكنه ... أحسست بالإهانة بشكل غير عادي ... إحساس رخم قوي؛ إنك تحس إنك مش عارف تاخد حقك، وإن أخوك مش الأكبر أو الأصغر لا التوأم عرف بإهانتك وبيفكر إزاي... يجيب لك حقك ... بس الألعن إنك تبقي راكب في المكنة وقاعد ورا خالص على الشبكة، وحاسس إنك بتموت في كل مطب أو نقرة ... بس بصراحة جلال كان زي الساحر بيجري بالممكنه حتى وصلنا إلى المربوطية، وهناك دخل لأحد المخازن، وما أن دخلنا حتى وجدت الأربع شباب جالسين على الأرض كما اسري الحرب.

دخل جلال بالممكنه ونزلنا وما أن وصل بالقرب منهم حتى وجدت 6 شباب مدججين بالأسلحة الآلية واقفين حول الأربع شباب، وفي انتظار إشارة لقتلهم، ولكن جلال ما أن دخل حتى أوسعوا له الطريق.

جلال : عاش يا رجاله...

خالد : عاش...

هنا نظر جلال إلي بصورة صارمة لم أشهدها له من قبل فسكت...

جلال : هما العيال دول اللي ضربوكم؟

خالد : لم أنطق بعد النظرة السابقة.

احمد : أه هما دول.

جلال : أتوكلوا على الله انتوا ... دول التسالي بتاعتي اليوم...

خالد : هو أنت هاتعمل أيه؟

جلال : تحب تقعد تتفرج؟

خالد : يا ريت...

احمد : أنا عايز أمشي...

خالد : اقعد يا ض

جلال : ذهب في اتجاه الشباب الأربعة المكبلين على الأرض،
وقال جملة لن أنساها حتى الآن:

"القوة والسلطة مش في إنكم تتحكموا في الضعيف ...
القوة والسلطة إنك تذلل اللي أقوى منك وتخليه تحت
رحمتك."

تلعب وتسرق وتعمل أي حاجة عمري ما هازعل إنما تمد
أيديك على حاجة تخص جلال العاصي تبقى مضيت شهادة
وفاتك بس للأسف، أنتم ما سرقتموش ولا لعبتموا انتوا ماديتوا
إيديكم على أخويا ومش أي أخ دا التوأم يعني كأنكم ماديتوا
أيديكم عليا أنا.

خالد : أنت ناوي على إيه يا جلال؟

جلال : هما كسروا لكل واحد فيكم ذراعين إن هاقطع لكل
واحد منهم ذراع...

خالد : بس هما كانوا بيننفذوا اللي طلبه منهم عم أمين...

جلال : مش عم أمين أتحرقت المكتبة بتاعته وكمان عربيته
... وراقد في المستشفى عنده جلطه في المخ مش دريان بالدنيا
بس الرجالة دي فيها الصحة وهاتستحمل معايا شوية.

خالد : أنت عملت إيه في عم أمين...

جلال : اخرس يا ض.

هنا كان أحمد مثل حضرتركم بالضبط يشاهد دون أن
يستطيع أن ينبس بأي كلمة...

خالد : بلاش يا جلال تقتلهم...

جلال : أنا ما ازفرش أيدي بالدم ... أنا بلعب بيه بس...

خالد : يعني إيه؟

جلال : يعني تاخد صاحبك وتغوروا من هنا قبل ما أخلص
منكم انتوا كمان...

قررت أن أغادر المكان فهذا الشخص وإن كان هو أخي
التوأم ولكن هذه أول مره أعرف أنه بهذه القسوة وبالفعل
أخذت أحمد وخرجنا، وبعد رحلة عناء ومشى كثير جدا، وصلت
أنا وأحمد لشارع الهرم، وأخذنا ميكروباص للبيت، وراح كلا
منا في حال سبيله، ولكن كنا نفكر ما قد يفعله جلال بهؤلاء
الشباب.

بعد مرور ساعات كثيرة ظهر جلال في البيت، وكان ودوداً
جداً وهادي وما أن شاهدته حتى سألته: إنت عملت أيه فيهم؟

ولكن رده كان مستفزاً جداً...:مفيش العيال دي طلعت مسجلة خطر، سلمتهم للبوليس بس بعد ما اديتهم علقة عمرهم ما هainسوها...هنا قلت بتلقائية: ما هايصطادوني تاني... فرد هو علي بكل هدوء: ما تخافش طالما أنت أتعرف إنك في حمايتي يبقى صعب حد يقرب لك.

هنا سألته: أنت بتشتغل أيه؟ فقال: محاسب في شركة ملابس لها فروع كتير وعلشان ما تقعدش تسأل... هافهمك المخزن ده تبع الشركة اللي إنت شوفتهم دول، تبع شركة الأمن بتاعتنا يعني زملائي وعلشان خاطرك قررت إن ما ينفعش حد يعمل في أخويا كده وأسيبه فجبت حقك ... بس أنا مش بحب العنف.

الفترة دي من حياتي حسيت إن جلال مش أخويا التوأم ... حسيت إنه أخويا الكبير وكمان أنا أبتديت أدور إزاي أبعد المشاكل وأفضل في الأمان زي ما كتير بيسموا الموضوع: "أمشي جنب الحيط" ونجحت في السنة اللي كان فيها 5 مواد... ولكن حيث إني بقيت مشهور بسبب ما حدث من قبل ... سقطت في سنه رابعة على 4 مواد وفي السنة دي نزلت أنا واحمد واتدربنا في مكاتب محاسبة وابتدينا يكون لينا خبرة في المجال، وعندما انهينا السنة اللي كان فيها الأربع مواد للأسف فضل منهم مادة وكلاكيت تالت مره دخلنا دور نوفمبر وقدرنا ننجح.

كان أحمد ملازم ليا في كل شيء حتى المواد اللي كنت بسقط فيها كان هو كمان بيسقط، تحس إن في ترابط فكري بينا عالي، ولما كان حد مننا بيلاقى فرصة في مكتب محاسبة كان بيسحب

التاني معاه وبالفعل اتنقلنا من مكتب لمكتب لحد ما تقريبا اتدربنا في 13 مكتب محاسبة ... عدد كبير بس الخبرة كانت أكبر لحد ما قررت إن مكاتب المحاسبة عمرها ما هاتكون السبيل للنجاح، فقررت إننا لازم ندور على شركة ونشتغل فيها محاسبين.

الفصل الثاني

بعد انتهاء الدراسة وبعد تدريب في مكاتب المحاسبة الكثير
اللي الواحد راح فيها، حسيت فعلاً إن الاستقرار إني أقدر ألاقى
شركة وأكون محاسب فيها ويا سلام لو شركة لسه في بداية
المشوار علشان الشركة تكبر وأنا كمان أكبر، ومع التطور ده
كان صعب إن أنا وأحمد نكون في نفس الشركة فاتفقنا أن
واحد يدور والثاني يكمل مشواره ولو حس إنه مش ناوي يكمل
يوجه الفرصة لزميله، وبالفعل أحمد لاقى فرصة في شركة
سياحة بتبتيدي المشوار واشتغل معاهم سنة وفي آخر السنة
لاقى إنه مش منسجم في الموضوع ده.

وعليه عرض عليهم إني أمسك الشغل الخاص بالحسابات
بتاعتهم، ولو الموضوع عجيبهم أثبتت ولو ما عجيش يدوروا على
شخص بديل، وبالفعل استمرت معاهم لفترة ثلاثة شهور،
وكان شغلهم كتير بس العبد لله عمره ما قصر ولا ضعف قدام
ضغط الشغل... وقدرت إني أخليهم يتحيلوا عليا علشان أكمل
معاهم ودا مش علشان خاطر سواد عيوني، بالعكس كان
علشان إني قدرت أقلل الإيرادات في الدفاتر وأزود المصروفات
والتبرعات، وبالطريقة دي قدرت أقلل الضرائب المطلوبة منهم
وعليه يا سيدي ...

بتسألوني عن البيت طبعاً أيه أخبار ماما وعادل وجلال ...
مفيش جديد ماما قربت تطلع على المعاش وبقت بتقعد تكتب
كتير علشان تسلي وقتها على الأخص؛ بعد ما كل واحد بقى ملهي
في شغله وبزجع على الأكل والنوم ...أما بخصوص عادل خطب
بنت زميلته من أيام الكلية ومفحوت في الشغل وآخر مره قابلته
في البيت عند ميدان تارايزة السفرة بتاعتنا، قال لي: إنه بقى
بيشتغل وظيفتين واحده الصبح والتانية بالليل، وإن النوم اللي
بينامه مش مكفيه بس لازم يفحت في الصخر علشان يقدر
يتجوز في أقرب وقت ...أما عن جلال أخويا فلأسف مفيش حد
بيتكلم عنه ولا حد يعرف عنه حاجه .. بس أنا كنت بتزل نواحي
ميدان الجيزة كتير أدور على أي حد من الرجالة اللي كانت معاه
وكنت حاسس ومتأكد أنه أكيد بيتزل هناك بس أنا مش بعرف
الاقية.

نرجع ثاني للشركة ...

الناس كان عاجهم الشغل وكان عاجهم أكثر إني مش بتهاون
في أي ورقة للحسابات، وكان الإيهار هو التقرير السنوي وبالفعل
استمرت معاهم ثلاث سنوات متواصلة، ومرتي من خمسمائة
جنهات أول تعيين بقى سبعة آلاف جنية بعد ثلاث سنوات،
والسر إن صاحب الشركة كان عاجبه إنه مش بيدفع كتير،
وإني كنت مظبطة في الضرايب.

بس بعد تالت سنه شغل لاقيت إنه طلب يقابلني ودي
حاجة مش بتكرر غير بعد تقرير الضرايب وديس فقلت: ربنا يستر
من اللي جاي. وبالفعل اتشيكات ولبست أفضل بدلة عندي،

وروحت أقابل الحاج محمد وفي وصف موجز الحاج محمد؛ هو رجل أعمال كان تاجر في الصعيد من أعماق أعماق الصعيد مش عارف فين بالضبط بس هي لهجته مش زي بتاعة أهل القاهرة، وربنا فتح عليه فأنقل للقاهرة، ضخم الجثة، عريض البنية مما يدل على إنه تعب كثيرا للحصول على ثروته ولكن كيف؟ ... لا أعلم!، لديه خبرة في فهم البشر وكيفية التعامل معهم، ممتلئ بشكل يجعله ليس من السهل الجلوس والقيام من على كرسي مكتبه.

ما إن دخلت المكتب حتى شاهدته جالس على مكتبة وجسده يفتش على الكرسي من شدة سمانته يرتدي نظارة طبية سميكة تدل على حجم من الخبرة غير عادي، ويدخن سيجار كبير الحجم يمتلئ به فمه... دققت النظر إليه مرات ومرات حتى جلست وبدأ الحوار...

الحاج محمد : إزيك يا خالد؟ ... إتفضل اقعد...

خالد : الحمد لله يافندم ... شكرًا.

الحاج محمد : تشرب أيه؟

خالد : شكرًا يافندم ...

الحاج محمد : تحب نقعد عند المكتب ولا في غرفة الاجتماعات ؟

خالد : زي ما تحب يا فندم ..الأريح ليك أنا بالنسبة لي كويس.

الحاج محمد : بقولك إيه؟

خالد : أتفضل يا فندم.

الحاج محمد : أنا كنت ناوي أفتح سلسلة هايبر ماركت.

خالد : بالتوفيق يافندم ... من نجاح إلى نجاح دائماً.

الحاج محمد : أنت عارف إني أساساً تاجر .. يعني السياحة بالنسبة لي كانت بس بداية وتجربة.

خالد : عارف يافندم.

الحاج محمد : عايزك معايا في الشركة اللي هاتدير مجموعة الهايبر ماركت.

خالد : تحت أمرك يافندم.

الحاج محمد : وعلى فكرة مرتبك هاي زيد .. بس مش عارف أسيب شركة السياحة لمين يخلي باله منها؟

خالد : عندي الي ينفع حضرتك في الموضوع ده...

الحاج محمد : مين؟

خالد : أحمد زميلي الي كان جيه في الأول ورشحنى...

الحاج محمد : انتوا بتباصوني لبعض بقا!

خالد : أبداً .. بس أنا عارف إن مرتبه مش كويس وهو شخص أمين وكويس يقدر يدير الشركة بكفاءة والأمر في الآخر يرجع لحضرتك.

الحاج محمد : خليه يحي يقابلني بكره...

خالد : تأمر يا فندم بأي شيء ثاني.

الحاج محمد : تكون موجود مع أحمد... هاتحضر اجتماع تأسيس الشركة الجديدة، عايزك تكون مصحح من الأول وتركز وعازين نضبط مصلحة الضرائب من الأول.

خالد : لا تقلق يا فندم ... اعتبر مصلحة الضرائب بتساند المشروع ومن مصلحتها نجاحه.

الحاج محمد : برافو يا خالد.

خالد : تأمرني بأي شيء ثاني يا فندم.

الحاج محمد : أنت عارف يا خالد أنا اخترتك ليه؟

خالد : ليه يا فندم؟

الحاج محمد : هاتعرف في الوقت المناسب... امش دلوقت وبكرة تكون موجود إعرف من داليا الميعاد بالضبط.

وما أن غادرت المكتب حتى توجهت للسكرتيرة ... أنسه داليا مش عارف إزاي لحد دلوقت دي أنسة دا تقريبا الرجاله اتعمت ومش بتشوف كويس ... ما علينا أنسه داليا قوام رشيق مثل الغزال وشعر بني يميل إلى الأصفر بدرجه أو درجتين في إضاءة الشمس يظهر مثل خيوط الذهب لم تتعد الخامسة والعشرين عامًا، ولكن تملك من الأمور الكثير بهذا المكتب الضخم ... دائما ما ترتدي الملابس الضيقة مثل البنطلون والجيب، وكما تقول النظريات المتعدد: إن الضغط يزداد بزيادة الارتفاع... بالمثل تقل الملابس، تقل كلما نظرنا لأعلى الجسد الفينوسي

الرهيب- صدر رهيب كبير الحجم ممتلئ على غير العادة، وملفت للنظر ويثير كل من يشاهده.

ما أن وقفت أمامها حتى أحسست إني طفل رضيع يبحث عن أمه. .. لم يخرجني من هذا الهيام سوى كلماتها، وهي تبلغني أن خالد الاجتماع بكرة الساعة الواحدة ظهرًا، وما تنساش تدعي الأستاذ أحمد علشان المقابلة هاتكون الساعة الثانية عشر، قبل الاجتماع. وما أن سمعت رسالتها المسجلة حتى أحسست بقمة الخجل وتوجهت لباب الخروج مغادرًا.

بعد الخروج من الشركة لم أتوانى لحظة عن الاتصال بأحمد لإبلاغه بملاقاتي على الكافية المعتاد إننا نتقابل عليه، وتوجهت للمنزل لعلني أقابل جلال وأطمئن عليه، ولكن ما إن وصلت حتى وجدت إحدى سيارات الإسعاف عند الباب، طلعت السلالم وقلبي ينبأني بنذير الخطر؛ وبالفعل كان باب الشقة مفتوح وجميع الجيران مصطفىين أمام الباب وداخل الشقة، وما إن وصلت حتى وجدت أمي ترقد على الأرض في الصالة، والمسعفين حولها يحاولون أن يعيدوها مرة أخرى للحياة بعد أن أصيبت بأزمة قلبية وهي تستلم بعض طلبات البيت من البواب.

ارجعي يا أمي...

بدونك سوف أكون وحيد الأب والأم.

إن اليتيم سوف يكون مصيري ... ارجعي لنجلس قليلًا.

ارجعي فقلبي يكاد يخرج من صدري ليعطيك الحياة.

ارجعي قدموعي تكاد تشق عيوني ... حزناً عليك...

ولكن مفيش كلام ممكن يرجع الي راح أو يقدر يعوضني
حضنك يا أمي، ونظرتك الي مليانه حب وحنان ... خروج أمي
من الحياة مثل انتزاع الروح من جسدي، انتهى كل شيء وغادر
رجال الإسعاف وانتظرت عادل لنبدأ في ترتيبات الدفن وما إلى
ذلك وكان لدي يقين إن جلال سوف يظهر ولكن دون جدوى ...
أليست أمك يا جلال أنت أيضاً ... أين أنت ؟ أين أنت يا ابن
نفس الرحم؟

بعد أن حدثت الصدمة واتصلت بعادل ليلحق بي ونبدأ في
إنهاء الإجراءات، أحسست أنني سوف أنسى أمر أحمد وشركة
السياحة، وبالفعل أرسلت رسالة إلى داليا لأعرفها إنني لن
أستطيع الحضور في اجتماع الغد لوفاة والدتي، ونفس الرسالة
أرسلتها للحاج محمد صاحب المؤسسة وأرسلت رسالة أخرى
لأحمد بميعاد مقابلته غداً مع الحاج محمد، وأعلمته بوفاة
والدتي وما أن وصلته الرسالة حتى سمعت رنين الهاتف وأخذ
في مواساتي، ولكنني كنت لا أسمع سوى صوت أمي الراحلة
حولي ومن بعد أن انهي المكالمة وجدته معي يساندني طوال
الوقت.

ما أن أتى عادل حتى انتهينا من كل الإجراءات، وتم ترتيب
كل الأمور الخاصة بالدفن وما إلى ذلك وبعد أن توارت بالتراب
وقفت بجوار أخي لا أشعر بالدنيا وكأنني من مات وليس هي
وبعد أن انتهى الحضور من تقديم واجب العزاء لي ولأخي ... لم
أجد لي سوى أن أجلس لأتحدث لها قليلا قبل أن أغادرها

وحيدة بهذا المكان، وبدأت أتحدث معها وأشكو لها أنها رحلت دون وداعي وأني أصبحت وحيداً من دونها ... حتى جذبني عادل بكل عنف ووضعني بالسيارة، وتحركنا للمنزل ولكني لم أستطيع أن أصعد وتوجهت للكافية لأجلس وأبدأ التفكير فيما هو آتي وما قد يخبئه المستقبل لي.

كان المنزل بالنسبة إلي مثل بيت الأشباح بدون أحي حسست أن الأمر أصعب من أن أعيشه وهذا ما جعلني أقضي معظم وقتي في العمل دون ملل، حتى أنني كنت أذهب للمنزل حوالي الساعة الثانية بعد منتصف الليل وأنزل للعمل في السابعة صباحاً يومياً ... وهو ما جعلني الهل المدلل لصاحب العمل الحاج محمد لم يكن للحياة سبيل بالنسبة لي فوجدت ضالتي في العمل.

بعد مرور أكثر من عامين على بدء عمل الشركة الجديدة طلب الحاج محمد مقابلتي لأمر هام، وما أن ذهبت، حتى قابلت داليا سكرتيرة مكتبة وجلست في انتظار أن أدخل المكتب الكبير، وأثناء جلوسي شاهدت أحد التجار من الصعيد يخرج من مكتب الحاج محمد وهو يشد على يديه في السلام، ويقول له: يا حاج زي ما اتفقنا في انتظارك لما الأمانة تبقى جاهزة ... لم افهم الأمر ولكني أحسست بالريبة للأمر ... ما نوع هذه الأمانة التي بين رجل أعمال مثل الحاج محمد وهذا الرجل الذي تظهر عليه علامات الكبر والعجز؟.

آه بتسألوني على داليا ... من أول ما وصلت المكتب لحد ما خرجت، وأنا أساساً مش في دماغي إنها موجودة وحسيت إنها

متعصبة بسبب كده، لدرجة إنها قامت أكثر من مرة تحاول
تجيب ملفات من دولاب بجوار الأريكة التي كنت أجلس عليها،
ولكن لا حياة لمن تنادي فقد كنت أشعر أن آخر نساء العالم
قد رحلت، وأنا أعيش وسط الرجال بأنواع مختلفة... لحظات
وأثناء إحضارها بعض الملفات أحسست إنها مثل عم سيد بتاع
البوفية أو خليل بتاع البوسته مع فارق الإغراء المبتذل اللي
كنت بريل عليه طول الوقت، ودلوقت أتأكدت أنه لا شيء.

بعد انتهاء توديع الحاج محمد لضيفه الغريب طلب مني
الدخول ... وما أن دخلت حتى جلست على ترايزة الاجتماعات
وانتظرت حضوره من على مكتبه، وبالفعل حضر بعد أن أتى
بعلبة السيجار المستوردة الخاصة به ونظر إلي مباشرة في عيني
بطريقة غريبة، وسألني تحب تدخن وبكل تلقائية رددت
بالسلب، ولكنه قال لي كلمة أثارت داخلي رغبة بالتجربة وهي....:

"على فكرة السيجار ده مش بتاع رجال الأعمال بس ... بتاع
كل الناس وعلى الأخص اللي يقدر يشتره، والمشكلة إن السيجار
الواحد من النوع ده بيعي من بره مصر بالشيء الفلاني ...
علشان كده مش أي حد بيشره." إحساسي بأنه يحاول أن
يتعالى علي جعلني أكرهه وأبغضه بشدة وأشعر بمدي حقارته.

فكرت إنني أطلب أجربه بس قبل ما أطلب إنني أجرب، قررت
إنني استفزه لمجرد إنه حاول يستفزني بكلامه حتى لو ماكنش
يقصد، فقلت له: وحضرتك يا ترى السيجار ده بيعي منين؟
وكان رده: أمريكا يا خالد أمريكا ... في أمريكا كل ما تحلم وتتمنى
وكل ما يكون معاك فلوس كل ما تشتري إلى نفسك فيه ..

عارف الدولار بكام دلوقت؟، في اللحظة دي دقت النظر لعبلة السيجار لأجد من الاسم يظهر أنه سيجار كوبي.

كم أنت فاشل أيها الحاج محمد كم أنت فاشل ... يطلقون على أمثالك شوال معاه فلوس، إنت لو بصيت على الاسم هاتعرف إنه سيجار كوبي مش أمريكي، بس هاقول أيه النصيب والقدر خلاك رب عملي ولازم أطاوعك لحد ما أقدر أحوش فلوس، وأعمل مشروع الخاس لن أبقى في مثل هذه الإهانة والشعور بالمذلة. لشخص لمجرد امتلاكه الأموال.

تركته يلهو في كلماته التي يحاول أن يفرض سيطرته بها علي، وجعلته مثل الملوك ولكن في النهاية طلبت منه الإنصات لما سوف أقوله فقد كان الأمر يتطلب منه التركيز فيما سوف أقوله... كان الاجتماع الغرض منه حسب طلبه مراجعة موقف الشركة وما أن عرضت الموقف المالي للشركة حتى وجدت إنه يسألني بفكر ابيع نصيبي في الشركة دي .. أيه رأيك يا خالد ؟

صمت خيم على أجواء المكان ... إذا باع نصيبه ماذا سوف أفعل هل سأعود لمكتب السياحة؟ ولكن كيف وأحمد يديره أم أنه سوف يستغني عن خدماتي أم سيضطر للاستغناء عن خدمات أحمد وبذلك سوف يفقد صديقي وظيفته ... قطع الصمت كلمات خرجت من الحاج محمد وهو يقول: أصل أنا قدامي صفقه كبيرة، ومحتاج سيولة كثير، شركة السياحة لو بيعتها مش هاتجيب... ولكن الشراكة بتاعة مجموعة الهاير دي ممكن تجيب المبلغ اللى أنا عايزه ولا أنت أيه رأيك ... حاولت الرد ولكن كلماتي تعثرت داخلي، وحال الاضطراب خروجها ...

ولكنه لم ينتظر وقال لي: أنت خائف على شغلك ... أنا ما
أقدرش أسيبك يا خالد أنت كنز والي زيك لو سيبته أبقى تاجر
غشيم.

نظرت له كثيرًا حتى استطعت أجمع قواي وسألته: طب
حضرتك لو بعث نصيبك ... أنا هاينتي دوري بمجرد ما
إجراءات التسوية كلها تخلص. ولكنه نظر إلي وأخرج دخان
السيجار وأظهر أسنانه الصفراء وهو يضحك ويقول: قلت لك
ما تخافش ... أنا عايزك في حاجه أكبر بعد ما نخلص بيع
نصبي في الشركة دي، وحاجه هاتخليك تكسب ذهب بس
هاتعرف في الوقت المناسب.

ما أن غادرت المكان حتى أحسست بالفكر يجتاح أعماقي ...
ماذا سوف يكون مصيري وماذا سوف أقوم به مع الحاج محمد
بعد انتهاء الأمر؟ ... وسط خضم هذه الأفكار المتصارع في عقلي،
قررت أن أذهب لأحد الكافيات القريبة من مكتب الحاج
محمد، نسيت أقولكم المكتب ده كان في جاردن سيتي بالقرب
من سفارة كندا، وبالفعل وجدت كافيه في أحد الشوارع
الجانبيه رغم مظهره المتواضع، ولكن ما أن دخلت حتى وجدت
الكثير من الشباب، والفتيات اللذين يظهر عليهم مظهر الثراء.

داخل الكافيه أحسست أنني دخلت لعالم مختلف عما كنت
به في الخارج ... رغم حرارة الجو في الخارج كان المكان بالداخل
لطيف الجو، رغم انتشار الدخان الخاص بقسم الناس
المدخنين. ولكن ما أن دخلت حتى جلست لأقرب مائدة وطلبت
كوب من القهوة الدبل على أن تكون زيادة بن خفيف ... لم

اعتد التدخين إلا في المناسبات أو في اللقاء الكبيرة للأصدقاء،
ولكني أحسست بشعور يجتاح جوانبي للتدخين فسألت مقدم
الطلبات مفيش حد هنا عنده سجائر فكان رده: للأسف لا.

ما أن أحضر القهوة حتى بدأت أبحث عن طريقة للحصول
على سيجارة... وسط هذه التوتر النفسي الذي اجتاح جوانبي،
شاهدتها تدخل أحد الملائكة قد هبطت على الأرض مع العلم
إنني منذ أن توفيت والدتي، وكما أخبرتكم من قبل لا أشعر بأي
انجذاب للفتيات، مهما كانت الإغراءات أو المثيرات الظاهرة،
ولكن هذه الفتاة كانت غريبة فقد أحسست بانجذاب غير
طبيعي لها.

كنت هانسي أعرفكم إن اخويا عادل أتجوز، وكما هو
المعتاد جلال لم يظهر حتى إنني توقعت إنه في السجن أو قتل
في أي عملية من عملياته الانتحارية... مش عارف بس حاسس
إنه في أزمة ومش عايز يظهر في الوقت ده أو مستني لما يحس إن
له مكان هايجي ويكون وسطنا تاني.

معلش فصلتكم ... بس نرجع للملاك اللي نزل من السما
ودخل الكافية، حسيت إنني أصبحت ممسوس بها...هاوصف
لكم علشان تقدروا حجم التعب اللي أنا فيه منها ... فتاة لم
تتجاوز الخامسة والعشرين بحد أقصى، ذات جسم نحيف
ولكن أنيق جدًا ... جسم أشبه بملكات الجمال اللي في
المسابقات العالمية مش اللي في مصر ... ترتدي جزمه بكعب
عالي قوي، وتتمايل في خطواتها كما الفراشة وهي تنتقل بين
الزهور ... ترتدي بنطلون قماش غامق اللون. ولكنه لم يصل

إلى كعبيها فيظهر بجوار حزام الحذاء سلسلة رفيعة ذهبية تتزين بهذه القدم الرائعة، ترتدي من الأعلى قميص وتحتة بادي أبيض وحجاب يخفي شعرها البني الغامق الذي يطل من أطراف الحجاب كأنه يعلن عصيانه على هذا الحجاب .. هيكل جسماني وتركيب عجيب ... من أين أتيت أيتها الفتاة؟

بعد أن جلست بقليل أخرجت علبة سجائر مالبورو أبيض، وأخرجت منها واحد وأشعلتها لتبدأ في تدخينها، وما أن شاهدت ذلك حتى قررت أن أغامر وأذهب لها وبالفعل قد كان...

خالد : مساء الخير.

الفتاة : مساء النور.

خالد : ممكن استأذن حضرتك في سيجارة؟

الفتاة : نعم.

خالد : أصل سجائري خلصت وكنت عايز أدخن

الفتاة : أتفضل

خالد : ممكن الولاة؟

الفتاة : أتفضل.

خالد : ممكن كمان أتعرف ؟

الفتاة : نعم.

خالد : بما إننا أتكلمنا قلت نتعرف.

الفتاة : أسفة.

خالد : أنا اللي أسف.

انصرفت كما صغار الفراخ التي تبحث عن مأوى لتشعر بالدفئة في البرد القارص، واتجهت لطاولتي وجلست أدخن هذه السيارة ... كانت تشع بعطرها رغم أنه لم يكن ظاهراً بشكل كبير ولكنني أحسست بهذا العطر؛ كأنه يحدثني بكلمات أشبه بالهمس، ولكن كيف وقد صدتني ... أنهت كوب الكابتشينو الخاص بها، وأنهت معه ما لا يقل عن ثلاث سيجارات، طوال الوقت وهي تطالع شاشة المحمول كأنها تعمل بالبورصة أو ما شابه، ولكنها لم تكن تبعد نظرها عن الشاشة إلا للإمساك بكوب الكابتشينو أو إخراج سيجارة للتدخين.

نظري تعلق بها كما يتعلق الرضيع بصدر أمه...ولكن لم يشاء القدر أن يستمر هذا الأمر، فقد غادرت الأم رضيعها، وتركته يبكي لاشتياقه لها، وما أن غادرت حتى أخذت أفكر: هل أتحرك خلفها أم أترك الأمر وأتوجه لوجهي التي أبعيها، ولكنني شعرت بما يجذبني للتحرك خلفها، وبالفعل تركت حسابي على الطاولة وتحركت مسرعاً حتى لا أفقد أثرها، وسرت أحاول تلمس عطرها ...حاولت إلا أظهر أنني أتبعها تارة أخرج التليفون، كأني أحاول التحدث لأي شخص وهمي، وتارة أتصل بالفعل بأي شخص من معارفي، وفي النهاية هداني السبيل للاتصال بأحمد؛ فهو عاشق ومرتببط عاطفياً من أيام الجامعة وسوف يفيدني بما قد أفعله في مثل هذا الموقف.

ما أن رد أحمد لم أترك له مجال ... فقد قلت له: في واحدة حاسس أنها خطفتني من كل حاجه، وماشية قدامي ومش

عارف أتعرف عليها أتهيب أعمل أيه؟ ... اخلص بسرعة من غير ما تسأل أي أسئلة ملهاش لازمة، وكان رد أحمد ممكن تهدي وتحكي من الأول، ولكني غضبت وكان ردي: أنت بتهرج بقولك، واحدة ماشية قدامي خطفتني من كل حاجه، وعازب أتعرف عليها أهيب أيه تقولي: احكي أنت بتهرج يا أحمد؟ دي ممكن تختفي وتطلع أي عمارة أو تركب عربية وأبقى فقديتها للأبد. ولكن في هذه اللحظة، وجدتها تدخل أحد العمارات بجي جاردن سيتي، بتلقائية وضعت الهاتف بجيبي ودخلت ورائها للعمارة.

استدعت الأسانسير ومازالت تمسك بالهاتف المحمول، وفي انتظار الأسانسير، نظرت لها ووقفت بجوارها وكأني شبح لم تشعر به، إلا عندما نظرت لها وقلت: أيه ده ... أيه الصدفه الغريبة دي .. حضرتك جايه نفس المكان اللي أنا جاي له، نظرت لي وكأني ممسوس أتحدث لنفسي ولكنها نظرت مره أخرى وقالت: أنت ماشي ورايا ليه؟ وكأني في حالة من الصدمة لم أتحدث وفضلت باصص لها زي الأهل ... ولكن بعض الكلمات خرجت مني بتلقائية أنت شكلك إنسانه عملية ومش بتاعت كلام فارغ ... حضر الاسانسير فتحت الباب فدخلت ودخلت ورائها وفي الاسانسير قلت لها:.. دا الكارت بتاعي... وما أن نظرت حتى ضحكت، وقالت: أنت بتشتغل مع الحاج محمد؟ ... يبقى أكيد هانتقابل. وقتها توقف الاسانسير وخرجت وأغلقت الباب نظرت لنفسي، ولا أعلم إلى أين سوف أذهب لم ينقذني سوى نزول الاسانسير للأسفل، وما أن فتح الباب لدخول بعض رواد المكان، خرجت وأنا تائه وسط الشوارع، ثم

سمعت صوت الهاتف يرن فأخرجته لأجد أحمد، وما أن رددت عليه حتى وجدته يقول: أيه اللي أنت قولته ده.

تعجبت كيف له أن يعرف ما قلته؟ ولكنه فاجأني بأني لم أغلق الهاتف ووضعه بجيبي دون أن أغلق الخط، وقد سمع ما تم بيني وبين فاتنتي ... فأخبرته أنني سوف آتي إليه في المكتب للتحدث بالأمر ومناقشة كيف استطيع أن أصل لها مره أخرى.

وصلت شركة السياحة وما أن دخلت الشركة حتى قابلني الجميع بالترحيب، فأنا لم أزر المكتب منذ عامين أو أكثر، وحضوري لأحمد جعل الجميع يرحبون بي، وما أن وصلت لمكتب أحمد وجدت فتاة تجلس، رحبت بي وقالت أحمد بيه عنده اجتماع، وبلغني استنى حضرتك وأطلب لك قهوة عقبال ما يخلص فجلست ... وسألتها: أنتي مين؟ فقالت: أنا سكرتيرة مستر أحمد اسمي علا ... نظرت لها دون رد واضح أن أحمد بقى كبير قوي في الشركة هنا وأنا ما اعرفش.

انتظرت ما يقارب النصف ساعة انقضت وكأنها أمد بعيد ... كانت الساعة تمر وكأنها في حالة يأس من هذه المقابلة، ولكنها مرت في النهاية وخرج الضيوف من مكتب أحمد، ودخلت وما أن دخلت حتى بادرت، وقلت له: أيه يا عم الكلام الكبير قوي ده ؟.. أنت قلبت الدنيا هنا، وسكرتيرة ومكتب ومقابلات هنا... رد عليا: يا عم خالد أنا هنا مش محاسب، أنا مدير الشركة، وربنا يخليك ليا لولا ترشيحك لي لحاجه زي دي ما كنش ربنا كتبها لي. ولكن خفت أن يعتقد إنني أكن له أي حقد

فقلت له: بسم الله ما شاء الله يا عم أحمد، أنت طيب ومجتهد وتستاهل كل خير، وربنا بيدي كل واحد على قد اجتهاده.

جلستي مع أحمد تطرقت لأكثر من أمر، تحدثنا عن أحوال العمل بشركة السياحة وحالة السوق وما هو المتوقع في الفترة القادمة، ثم موضوع تصفية الحاج محمد لنصيبه في مجموعة الهايبر ماركت، ثم بدأ الكلام فيما هو أهم البنت التي قابلتها في الكافي ومن خلال وصفي لها كان رد احمد عليا : أنت وقعت وما حدش هايسمي عليك يا جميل ... ثم سألني سؤال مهم قوي: وهو أنت فاكرا العنوان اللي هي راحته ولا لا؟ ولكنه لم يجد مني رد، ثم سألني طب فاكرا الدور؟ وأيضا لم يجد مني رد ... حاولت جاهداً أن أتذكر ولكن دون جدوى، اتفقنا في النهاية على أن نذهب للكافية مره أخرى، ونجلس به لعلها تظهر مرة أخرى.

في اليوم التالي ذهبت في نفس الموعد، وجلست دون جدوى، في المساء تقابلنا أنا وأحمد وجلسنا بالكافيه. ولكنها لم تظهر أيضا... أحسست باليأس وفقدان الأمل، ولكن بعد أن انتهينا اتفقت أنا وأحمد على أن نتمشى قليلا لعلني أتذكر إلى أين اتجهت؟ من الممكن أن تكون لعقار به أحد الشركات ونحاول الوصول إليها...رحلة بلا نهاية كنت أتوقعها ولكن ما عجبت له هو أنني طوال الطريق أحسست أنني أعرف إلى أين اتجهت؟ وبالفعل بعد أن مررنا بشارعين وجدت نفسي أمام مقر شركة الحاج محمد ونفس الدور، ولكن كيف لم أشعر بذلك يومها؟... هنا فقط علمت لماذا قالت : سوف نتقابل قريباً.

مع مرور أسبوع بدأت أفقد الأمل في الوصول إليها ... حتى أنني ذهبت في أحد الأيام لداليا سكرتيرة الحاج محمد، وسألتها عن فتاة جميلة ومحجبة قد زارت الحاج، ولكنها اعتبرت أن الأمر فيه أهانه لها ورفضت التعاون، والأمر الذي جعلني أتأكد من إنها اغتازلت من ذلك ولكن ولا يفرق معايا ... أنا عايز أعرف من تكون؟.

بعد أكثر من أسبوعين طلب الحاج محمد لقائي لترتيب عملية تصفية نصيبه، وما أن وصلت المكتب حتى أحسست بنظرات مريبة من داليا ولكني توقعت أن تكون مغتازلة من سؤالي بخصوص الفتاة ... فقدت الأمل في الوصول لها، ولكن من يعلم قد يأتي القدر بما لا نعلم وقت لا نعلمه... وكان آخر ما أتوقعه، أن أدخل للحاج محمد لأجدها تجلس أمامه على طاولة الاجتماعات، وقد افترشا بالأوراق وما أن دخلت حتى وجدتها تقف لتحيني، وتسألني الجلوس والحاج محمد ينظر إلي بتعجب من منظري البادي عليه الوجوم.

جلست أمامها مباشرة... هل هذه أحلام يقظة أم أنها الحقيقة؟!، قاطع تفكيري كلمة الحاج محمد أعرفك مدام ياسمين مديرة حسابات في مكتب محاسبي تم الاتفاق معه لتقييم أصول الشركة قبل التصفية، وعلى فكرة رأيها من رأيك: إننا بلاش نصفي... بس أنا لسه عند رأيي ... طوال الوقت هو يتحدث وأنا أنظر لها كما الهائم في دنياها، وهي تنظر للحاج محمد ولي وتؤمن على كلماته وأنا بعيد كل البعد عن أي تركيز... قاطعني كلمته بضرورة إنهاء الأمر معاها في أسرع وقت لأن

احتياجه للسيولة، عاجل جدًا وعليه لم أترك الفرصة، وطلبت منها أن نجتمع في مكان آخر حتى لا نزعج الحاج محمد ونستطيع مناقشة كل التفاصيل.

نظرت وعلى وجهها ابتسامة تزين وجهها بأنها كانت تتوقع أن يكون هذا رد فعلي، ووافقت على الفور وما أن وافقت حتى أستاذنا الحاج محمد، وتحركنا خروجًا، كانت داليا تنظر وكأنها تريد أن تمطرنا بالرصاص، لما ظهر من تناغم فيما بيننا في المشاعر...غادرنا المبنى بالكامل، وما أن نزلنا حتى طلبت منها التحرك لنفس الكافية والاجتماع هناك لإنهاء كل شيء، وبالفعل تحركنا وبعد أن دخلنا الكافية جلسنا على احد الترابيزات وأخرجت سجائرها وبدأنا الحديث...

خالد : أنتِ كنت عارفة إننا هانتقابل ثاني؟!

ياسمين : لما شوفت الكارت توقعت إننا هانتقابل.

خالد : وإيه موضوع مدام ده .. إنت ماكنش في أيديكي دبله المرة اللي فاتت.

ياسمين : لا فيه دبله أهيه.

خالد : يمكن أنا ما اخدتش بالي.

ياسمين : دا مش موضوعنا.

خالد : صح .. النصيب دا غريب قوي.

ياسمين : اسمعني؟

خالد : من ساعة ما شوفتك وأنا بدور عليك.

ياسمين : إنتِ غريب قوي.

خالد : إسمعيني؟

ياسمين: شوفتني مرة وفضلت تدور عليا...

خالد : أنا مقتنع إن فيه بينا كيميا ... بس اتصدمت إنك متزوجة.

ياسمين : ليه ..

خالد : لا مش علشان حاجة... دا يابخته بيكي ربنا يسعدك.

ياسمين : ممكن نخليها في شغلنا.

خالد : هاتي رقم تليفونك الأول .. بدل ما تهربي مني تاني.

ياسمين : أتفضل ...أهرب فين في شغل يا أستاذ؟

خالد : مش قصدي ... بس بدل ما أنسى وتمشي من غير ما أعرف نتواصل مع بعض إزاي؟!

دار الحديث بينهم طويلا وقد تطرق خالد للأمور الشخصية كثيرًا، الخاصة بها ولكنها كانت تهرب معظم الأوقات ولكن الأغرب أنها وجدت نفسها ترد في أحيانًا كثيرة ... جلسا معاً، أكثر من ثلاث ساعات متواصلة لم تنته المقابلة إلا بعد أن قالت: إنها تأخرت وفي حاجة للتحرك للمنزل ... عرض أن يوصلها، وعندما سألته إذا ما كان لديه سيارة أم لا، فأجاب بالنفي فاستغربت ولكنه عرض إحضار تاكسي لتوصيلها والمغادرة فرفضت، فانتظر معها حتى ركبت إحدى سيارات أوبر... وغادرت وهو هائم ومصدوم ...سار حتى وصل

للكورنيش، وهنا جلس على أحد المقاعد وهو حزين كيف لن تكون من نصيبه؟

جلس يتذكر والدته وكيف كان يمكن أن تكون الحضانة والحكمة التي سوف تدله في مثل هذا الموقف فكر قليلا أن يتصل بأخيه عادل، ولكن تراجع بعد أن اخرج التليفون وبحث عن الرقم ... تراجع ثم فكر قليلا في أحمد فهو صديقه، منذ زمن ولديه القدرة على النصيح والإرشاد ثم تراجع مرة أخرى.

وضع تليفونه في جيبه مرة أخرى، وبدأ يتمشى في اتجاه ميدان التحرير، وطوال الطريق وهو يحلم بياسمين ويتذكر ضحكها، ولا يدري كم مشى من الوقت، ولكنه استفاق بعد أن وجد نفسه بجوار فندق هيلتون رمسيس ... فقرر أن يوقف إحدى سيارات التاكسي ويعود للمنزل...

باقي المقدمة

لم يكن شيت يريد أن يتم الوصول لهذه المقبرة من قبل رمسيس أو أي من قوات جيوشه بأي شكل من الأشكال، وهو الأمر الذي سعى له بأن يحضر كبير الكهنة الذي عرف عنه استخدامه للسحر الأسود، وقدرته على صبّ اللعنات بأشكال وطريق تصل لحد الرعب.

عندما وقف الكاهن لم يتخيل أي من الحضور من باقي الكهنة أن كبيرهم سوف يستخدم هذا السحر الأسود الذي عرف عنه قدرته على تسخير، وصبّ اللعنات به ولكن الأغرب أن هذا الكاهن من شدة ولاءه، أقسم لشيت قبل أن يلفظ أنفاسه أن يبدأ في تجهيز هذه اللعنات.

وقف كبير الكهنة وما أن بدأ في تلاوة الترانيم والعبارات والطلاسم بلغات متعددة حتى بدأت تكتلات من التراب، تتجمع في الأركان الخاصة بالمكان فتجسدت التكتلات بشكل مربع لم يسبق لأي من الحضور رؤيتها... وكان معهم لفافة صغيرة، وما أن تجسدت بالفعل أمامه حتى طلب من الجميع المغادرة وأخرج ما كان باللفافة، وهو طائر صغير وقام بذبحة وأسأل دماؤه على مجرى جانبي بجوار الحائط.

وهنا سمع صوتاً يتحدث مع الكاهن ...سمعه تابعة وهو
ينتظره بالخارج، وكان ما دار بين الكاهن والصوت...

الصوت : أتيتك من آخر الأرض...

الكاهن : نريد تأمين المقبرة...

الصوت : حدد الطلب؟

الكاهن : من يدخلها أو يحاول الوصول لها أو سرقتها تصب
عليه لعنة الموت وتبتلعه الأرض.

الصوت : لك ما تريد.

الكاهن : هل من مطالب؟

الصوت : يجب أن تحفر على البوابة.

الكاهن : ما الرسالة ؟

الصوت : رسالة صاحب القبر- إنها لعنة شيت الأبدية.

الكاهن : تم تجهيز النقش وسيتم الإغلاق فور رؤية الإشارة.

في هذه اللحظة اختفى كل شيء، وبقي سيل الدم الموجود
على جميع الأركان بالمقبرة، وكأنه لا ينضب، وبقي للأبد كالنهر
الذي لا يجف، طوال ذلك الأمر ومازال الكاهن يراقب ذلك،
ولكن لم يتوقف عند هذا الحد، ولكن بدأت الدماء تنسال على
الحائط وتظهر الكتابات، وكأن هناك من يسطر الكلمات على
الحائط بها.

الفصل الثالث

مرت فترة وأنا وياسمين نتقابل بصورة مستمرة قد تصل إلى أن تكون يوميًا ... تحدثنا عن كل شيء .. نسيت أعرفكم على ياسمين زي ما أنا عرفتها وزى ما هي حكيت لي في الأول.

ياسمين سيد عبد المنعم

فتاة جميلة رقيقة...أتمت 27 عاماً من أسبوعين بالضبط... تعيش مع والديها، وتعمل بأحد مكاتب المحاسبة الذائعة الصيت، وذات صلة قوية بصاحب المكتب، وتملك من المواهب ما يجعلك تنجذب إليها من أول نظرة، ما عندهاش أولاد ومتزوجة من 3 أعوام...زوجها يعمل بدولة الإمارات العربية المتحدة، مديراً لأحد الفنادق الكبيرة والشهيرة، وواضح أنهم مش على علاقة كويسه... لأنها قلما تتحدث عنه، وبمجرد أن أسألها عن رأيها في أي من المواضيع أجد أن ملامح وجهها تتبدل وتصبح غاضبة بعض الشيء، وما أن تجدني استشعر ذلك تتحول للابتسام وما أن تبتسم حتى أتحوّل لطفل ينتظر سماع صوتها مرة أخرى مثل الرضيع.

في المقابلة الأولى بيننا كان الكلام معظمه عن الشغل وأنا لا حياة لمن تنادي ... كنت هائماً على وجهي انظر لها

ولجمالها...كانت تحاول أن تتحدث في الشغل، وأنا قصدت إني
أخلي المقابلة بره المكتب علشان ناخذ حريتنا.

مع أذان المغرب توقفت سيارة فيرنا تاكسي أمام باب
العمارة بوسط البلد، بجوار شارع القصر العيني ... نزل من
السيارة شخص متوسط الطول، يخفي وجهه بغطاء الرأس
الخاص بالسويت شيرت الذي يرتديه، وباقي وجهه يختفي وراء
نظارة كبيرة الحجم، توقف يتحدث مع السائق لمدة لا تزيد عن
دقيقتين، ثم توجه لأحد العمارات لدخولها- موقف عادي
ممكن يحصل في أي مكان، بس اللي هاحصل بعد كده مش
بيحصل في أي مكان.

أنا اسمي ياسمين سيد عبد المنعم
أحب أعرفكم على نفسي بنفسي ... سمعت من خالد كثير
عنكم، مش هأخذ من وقتكم كثير...

أنا خريجة تجارة انجليزي، جامعة عين شمس ... خريجة
بتقدير امتياز، بحب الأرقام وعندي قدرة غريبة على تذكر كل
الأرقام والانتباه لمصدرها وتتبعها بكل الأشكال... بعد تخرجي
مباشرة قدمت على ماجستير برعاية أحد دكاترة المحاسبة في
الكلية، لأنه كان معجباً بشغلي، ووفر لي كمان شغل في المكتب
الخاص به في المهندسين ... كانت فرصة رهيبة لأنه من أكبر
مكاتب المحاسبة في الشرق الأوسط.

أتعلمت منه كثير وهو صراحة عمره ما كان يبخل علي بأي معلومات أو خبرة ممكن ينقلها لي ... مع استمرارى بالعمل في المكتب خلصت الماجستير، وقدمت على الدكتوراه ولسه بحضر فيها، وعلى فكرة هو اللي بيشرف على الرسالة كمان ... بس بصراحة مش مديني فرصه افلت بالرسالة بسهولة .. قالى أكثر من مرة، لو ما عرفتيش تاخدي الدكتوراه صح مش هاتتعلمي صح وتقدرى تكبرى وتبقى زبي في يوم من الأيام.

قبل وفاة والدي بفترة بسيطة وبسبب تعب والدي اداني الدكتور أجازة إجبارية علشان؛ أقضي وقت مع بابا، وكمان وفر لي تذاكر طيران وحجز في شرم الشيخ لمدة أسبوع كامل شامل الوجبات ... وبالفعل أخذت بابا علشان كان نفسي أحس إني قدرت انسيه التعب اللي هو فيه، والرحلة هاتكون جزء من كده.

وبالفعل سافرنا وقضينا أسبوع جميل وقبل ما نسلم مفاتيح الغرف ... أتى المدير وسلم على بابا وهما واقفين لاقيت بابا ببص لي وبيقولي: الظاهر هانيجي هنا تأني قريب ... لم أفهم في بادئ الأمر ولكن أثناء انتظار الصعود للطائرة للعودة لاقيت بابا بيقولي إيه رأيك فيه ؟

ياسمين : في مين يا بابا؟

بابا : مدير الفندق ؟

ياسمين : رأيي إزاي يعني ؟

بابا : الراجل معجب بيكي وطلب ايدك

ياسمين : بابا .. انا لمحتة مرتين في المطعم و خلاص

بابا : بس هو مركز معاكي ومعجب بيكي.

ياسمين : بابا .. أنا ورايا دكتوراه، لما تخلص نبقي نشوف المدير بتاعك ده.

بابا : بس أنا الله أعلم هافضل لحد الدكتوراه ولا لا ؟

ياسمين : بابا .. بعد الشر عليك.

بابا : أنا بتكلم جد ...

ياسمين : على فكرة في بنتين من روسيا كلموني عليك، وأنا لولا الملامة كنت قلت للحاجة، تخلي بالها لأحسن واحدة منهم تخطفك.

بابا : ماتهريش من الموضوع يا ياسمين...

ياسمين : طب لما نوصل ... نتكلم في الموضوع ده .. اصبر.

بابا : ماشي .. أنا اتفقت معاه إنه ييجي يقابلنا آخر الأسبوع ويكون معاه والده ووالدته.

ياسمين : بابا ... إزاي تعمل كده، أنت عارف إني عمري ما هاتجوز بالطريقة دي.

بابا : خلاص لما ييجي ونقعد نتكلم لو عجيبك نقرا الفاتحة... ولو مفيش نصيب خلاص !!

ياسمين : زي ما تحب يا بابا ..أنا مش هاقدر أزعلك ،علشان خاطرك أي شيء هاعمله.

صمتت ياسمين بعد هذا الحوار في انتظار أن يعتذر الضيف عن الحضور أو أن تجد خلال المقابلة أي من الأعذار التي تستطيع أن تنهي به الأمر، ولكن لم يكن الحظ حليفاً فقد كان الوالد قد رتب كل شيء وأستطاع خلال الزيارة العائلية الخاصة بالعريس أن ينهي الأمر لصالح العريس ويتم قراءة الفاتحة.

وتقريباً دي كانت غلطتي ... الزيارة بقت فاتحه والفاتحة بقت خطوبة وبعد شهر قدم الشبكة، وأنا مش فاهمة طلع لي من فين ؟ بس حاجه واحده علشانها عملت كل ده، وبعد شهر حددنا ميعاد الزواج وبعد الدخلة بأسبوعين طلب إني أسيب الشغل علشان هو في شرم وأنا في القاهرة وتسبب الأمر بمشكلة كبيرة، وبسبب بابا برضه اضطررت إني اكلم الدكتور علشان أسافر.

بعد سفر العريس والعروسة لقضاء شهر العسل بشهرين توفي والد ياسمين ...

دخل هذا الشاب مثل أي زائر لشركات السياحة المتعددة للميني، وما أن وصل الدور الثاني حتى تسلسل من أمام المكاتب الأمامية طالباً لدخول الحمام وسط زحام الحضور، وأثناء انشغال الجميع وما أن دخل الحمام حتى أخرج كيس من ملابسه وأخذ ما به ووضع داخل الجيب الأمامي للسويت شيرت ثم خرج من الحمام متسللاً إلى مكتب السكرتيرة ... إلى أين يتجه وماذا يريد ؟

التزمت الإقامة في بيت بابا ... وكنت مخنوقة جداً، وبعد الأربعين جالي زوجي وطلب إننا نسافر شرم وإن الحياة مش هاتقف على الناس اللي بتموت بس، أنا ردي كان صريح ...

-فعلا الحياة مش هاتقف على الناس اللي بتموت، وبصراحة أنا حياتي يعني شغلي ... لو عاجبك يا ابن الحلال نكمل على خيرة الله...حاولت أمي وقف ما أقوم به ولكني رفضت، فكان رده بسيط هاسيبك تفكري...بعد اسبوعين أتى والده وتم توسيط ناس كتير من العائلتين علشان يحلو الموضوع، بس أنا ردي كان: إني مش هاوقف رسالة الدكتوراه ولا هابطل شغل.

وبعد مفاوضات من والديه والكثير من الأقارب لي وله تم الاتفاق؛ على أن يتم توفير بيت في القاهرة وأنه ينزل إجازاته ويبقي الأمر على ما هو عليه، وارجع شغلي وأكمل رسالتي وهو يشتغل وينزل أجازات بصورة دورية...في البداية كان الأمر بالنسبة لي شغلي ورسالتي أو يسقط كل شيء حولي في سبيلي.

وتم الأمر بقي بينزل أجازته كل 3 أسابيع، وبيقعد معايا 5 أيام ويرجع والدنيا ماشية كويس، وهو صراحه كانت معاملته محترمه وطريقته مهذبة جداً... بس كان في حاجه واقفه بينه وبينني مش عارفه هي أيه بالضبط؟ يمكن إنه مش موجود طول الوقت سبب أو إني اتجوزته علشان أرضي بابا هو السبب ... مش عارفة !! بس في حاجز مانع إني أحس بحبه أو أحس إني بحبه بجد ...

لم تكن السكريّة بالمكتب وهو الأمر الذي كان في مصلحته ...فتح باب المكتب بسهولة ويسر ثم دخل متوجّهاً إلى المكتب الموجود في مواجهة الباب ...اختفى تحت المكتب، كانت الخزينة في هذا المكان، وبدأ في تحريك القرص في الاتجاهات حتى فتح باب الخزينة.

في هذه اللحظة فتح الباب، بقي مختبئاً أسفل المكتب حتى سمع الباب يغلق مرة أخرى، أخرج لفافَةً من الخزينة، وتوجه إلى الباب ليخرج مرة أخرى والأنفاس تتصارع، ولكنه سمع صوت خطوات يقترب مرة أخرى من الباب اختفى خلف الباب وبدأ العرق يتساقط من على جبينه حتى فتح الباب.

بعد أن فتح الباب دخل شخص يرتدي بدلة أنيقة جداً وتوجه للمكتب ... هنا أغلق الباب ليظهر الشاب المختفي خلف الباب، وما أن جلس الشخص على المكتب حتى وجد الخزينة مفتوحة، رفع وجهه ليجد هذا الشخص المثلث ومعه اللفافة المقصودة التي كانت بالخزينة، ولكن المثلث عاجل هذا الشخص بضربه على رأسه أفقدته الوعي، ثم ضربه أكثر من مره حتى تهشمت الجمجمة بالكامل وفقد على إثرها آخر أنفاسه.

بعد فترة لاقيت مامته عماله تتكلم في موضوع الخلفه وكلام النسوان ده، وصراحة أنا ما ليش فيه وزاد وغطى، إن ماما كمان ابتدت تتكلم ... بس أنا ما كنتش عارفه أرد، وابتدي هو كمان يطلب نروح للدكتور وأنا صراحة رفضت، لأني

مقتنعه إن الخلفه قسمه ونصيب، وطالما الحياة ماشية يبقى
خليها لحد ما يكون في نصيب ... مش أكثر.

في أحد الأيام رجعت من الشغل لاقيته قاعد في الصلاة
مستنيني رغم أن أجازته كان فاضل عليها أسبوع بس قلت
يمكن بيحاول يعملها لي مفاجأة ... لكن أول ما دخلت كانت
المفاجأة غير متوقعه.

في اليوم التالي دخلت السكرتيرة لمكتب المدير وتوجهت
لوضع البوسته كما هو المعتاد على المكتب، حتى شاهدت سيلاً
من الدماء على الأرض وبتدقيق النظر وجدت جثة المدير ملقاةً
على الأرض والخزينة مفتوحة... فصرخت بأعلى ما استطاعت
من صوت.

ما أن دخلت حتى وجدته ينظر لي بغضب ...حاولت أن أكون
ودوده رغم هذه الملامح، وتوجهت لتقبيله ولكنه رفض وقال:
أيه ده ياياسمين ... وأخرج من جيبه حبوب منع الحمل، فقلت:
جبتها منين دي؟ فقال: وجدتها في الدولاب، أنتِ مش عايزه
تخلفي مي. رديت عليه وقلت: مش كده الموضوع لازم تفهمه
صح.

-يعني مش قسمه ونصيب يا هانم زي ما بتقولي - حاولت
شرح الأمر ولكن ...

لكنه رفض أي كلام وضربني بالقلم وقال: إنتِ طالق...ثم انصرف.

دخل مفتش المباحث المكتب وما أن شاهده دكتور الطب الشرعي حتى وقف وتحدث معه ...

المفتش : أيه الدنيا ؟

الدكتور : الضربه جت من مسافه قريبه جداً...

المفتش : يعني؟

الدكتور : والخزنه مفتوحه ... واضح إنها سرقة.

المفتش: شكراً يا دكتور ...عايز بيانات أكثر عن أداة الجريمة، ورفع البصمات اللي في المكان بالكامل.

الدكتور: البصمات كلها واضح إنها للسكربتيرة والموظفين.

توجه المفتش للسكربتيرة، ثم قال: أعرفك بنفسى محمد سامي ... قوليلي: أيه اللي حصل؟، وسط عويل السكربتيرة ونشيح ومخاط ينساب على شفيتها، حكّت الأمر...: إن المدير يأتي ويخرج دون أن يراقبه أحد وهي غادرت ولم يكن بمكتبه، ولكنها عندما عادت وكما المعتاد ذهبت لتضع البوسته وجدته ملقى على الأرض والدماء تنسال من حوله.

نظر لها ثم قال: واخد بالى إن المكان مراقب بكاميرات ... عايز كل التسجيلات الخاصة بالمكان ... مين المسئول عنها؟، قالت: المهندس علاء.

انفصلنا والحمد لله اخدت الدكتوراه...

أنا: الموضوع مش إني ما كنتش عايزه أخلف منه...بس من الآخر ما كنتش حاسه معاه بالحب علشان، كده قررت مش هأخلف غير لو حسيت معاه بالحب، وقررت إني أعيش لوحدي علشان آخذ حريتي وأنا عارفه حدودي.

في البداية ماما رفضت بس بعد إصرار مني واقفت - بس الكل فاهم إن ماما عايشه معايا علشان الأطماع في أي بنت منفصله تموت في الحال.

استدعى المفتش المهندس علاء وما أن حضر سألته: ...عايز التسجيلات الخاصة بكل الكاميرات. وبكل تعاون فتح الكمبيوتر المجاور للمفتش، وأخذ يضرب على لوحة المفاتيح حتى استدعى بعض الملفات. وقال للمفتش: دي ملفات المراقبة من 3 شهور حتى الآن.

سأل المفتش: ماشي حملهم على هارد وهابعت حد من مكتب التحقيقات ياخذ نسخه ثاني، ويعاين شوية حاجات في المكان ... ثم نظر للسكربتيرة وقال القتل اسمه أيه ؟

ردت السكربتيرة والمهندس علاء في نفس واحد

مستر / أحمد عبد الله ...

الفصل الرابع

بعد وفاة أمي كانت الحياة صعبة جداً، بس الشغل كان هو السبيل إني أنسى والفترة الي أتعرفت فيها على ياسمين خلّتني بعيد عن أحمد مش تقصير مني بس هو برضه انشغل جامد بمكتب السياحة الي بقا هو المدير له.

صدمة لا يمكن أن توصف ... أحمد اتقتل وعرفت بالصدفة من تليفون جالي وأنا في انتظار وصول ياسمين للكافية علشان نقعد مع بعض زي ما اتعودنا، في اللحظة الي عرفت فيها الخبر انطلقت لمكتب أحمد أشوف أيه الي حصل.

قبل قتل أحمد بأسابيع...

طلب أحمد مقابلة الحاج محمد في أمر هام، وما أن وصل كانت داليا تعلم بهذا الموعد وأدخلته على الفور إلى مكتب الحاج محمد، وانتظرت حتى أشاح لها الحاج محمد بالانصراف

أحمد : إزيك يا حاج ؟

الحاج محمد : تمام

أحمد : طبعاً أنت مستغرب إني طلبت مقابلتك بالسرعه

دي؟!

الحاج محمد : خير يا أحمد في أيه ؟

أحمد : مفيش .. بس في مصلحة حلوه وصراحة عرفت من السوق إن حضرتك هاتهتم بيها لما تعرفها وتعرف تقدرني كمان فيها.

الحاج محمد : مصلحة أيه يا أحمد؟

أحمد : في عندي عروسة ... زي ما أنت بتحب.

الحاج محمد : إنت جاي تهرج ولا أيه ؟

أحمد : لا يا حاج ... أنا مش جاي أهرج...

الحاج محمد : أمال عروسة أيه اللي جاي تكلمني عليها؟

أحمد : يا حاج عروسة عمرها سنين كتير ما تتعدهش.

الحاج محمد : ودي لاقيتها فين وجبتها منين؟

أحمد : هوده الكلام ... احكي لك قصتها من الأول ولا تحب نجيب من الآخر.

الحاج محمد : معاك صور لهما...هات تفاصيلها .

في المكتب قابلت المفتش ... أقل ما يقال عنه: شكله المفتش كرومبو، وربنا يستر ويعرف يلاقي القاتل. .. لاقاني داخل وعمال أسأل الموظفين، طلب إني أقابله وأقعد معاه على الفور، وكانت المقابلة مالهش أي لازمه ... حسيت إنه بيشك في شعر دقنه.

المفتش : اسمك ووظيفتك لو سمحت.

خالد : خير يا باشا ...أنا كنت المحاسب بتاع الشركة دي
وبشتغل مع الحاج محمد.

المفتش : البيانات بس الأول علشان تتسجل في التحقيق...

خالد : خالد محمد أحمد إبراهيم

العمر: 35 عام

المفتش : الوظيفة؟

خالد : مدير حسابات مجموعة شركات الهاير الخاصة
بالحاج محمد.

المفتش: تعرف القتل منين؟

خالد : زميل دراسه وأنا اللي رشحته للشغل هنا.

المفتش : مين بلغك بالحادثه؟

خالد : مكتب الحاج محمد...

المفتش : معلش أعذرني بس روتين مش أكثر.

خالد : ولا يهمك يا فندم

المفتش : أنا مقدر إنك والقتيل إصحاب بس تعرف حد يهمه
إنه يقتل أحمد؟

خالد : يا فندم أحمد دا شخص طيب جداً وخدوم فوق ما
تتصور.

المفتش : آخر مرة قابلته أمتى؟

خالد : مش فاكربس بقالي فترة ما قبلتوش بسبب الشغل.

في البداية الحاج محمد كان فاكربي جاي أهرج بس لما ابتديت أشرح الموضوع ... ابتي وشه يتعدل معايا، الموضوع كان بكل بساطة هي إني عارف إنه بيتاجر في الآثار، وإنه متحكم في تجارة كبيرة بتخرج من البلد من الآثار لصالح ناس كبار قوي.

بعد الاجتماع اتفقنا إني أجيب له العروسة اللي أنا بمعارفي في مجال السياحة قدرت إني أوصل لها وهي من سوهاج ... اكتشفها مجموعة من الرجالة وهما بيحفروا تحت البيت... الموضوع ابتي ازاي بقا؟، أقولكم:...

معايا عبد القادر، دا شاب من سوهاج شغال مرشد وأبوه عرف إن في ناس في البلد بتلاقي آثار فطلب من ابنه إنه يدور على حد يقدر يجيب الجهاز اللي بيكشف عن الآثار، وعبد القادر شغال معايا جيه وأتكلم معايا على إنه خايف لأحسن أبوه يكون أتجنن.

بس أنا ما كدبتش خبر، وقلت له: وافرض إن فيه آثار، مش أبوك أولى بيها، وبكده تقدر تكبر وتجيب شوية فلوس تتجوز وتعمل مشروع ... وأنا لو كده هاشوف حوار الجهاز وهاجيبه، ونسافر أنا وأنت لأبوك ونكشف على البيت ... لو في حاجة الكل يستفيد ولو مفيش ... أبوك هايكبر دماغه.

بالفعل قدرت أتعرف على ناس من خلال شغل السياحة في مجالات كتير، منهم شاب اسمه مرزوق من قنا، وشغال مع

الحاج محمد من الباطن بيورد له تماثيل اللي بتطلع في التنقيب بتاع قبلي، وعليه الواد عرف يجيب لنا الجهاز وسافر معانا.

قابلنا الحاج والد عبد القادر، وكان راجل طيب قوي لما عرف إننا جايين نساعدهم حس إن الموضوع كبير، وقال: إحنا من زمان بنشوف كوايبس... وكان جاب شيخ... قال: في مقبرة في المكان واللعنة بتاعتها هي السبب في كده، وبالفعل شغلنا الجهاز وابتدينا البحث في البيت كله لحد ما لقينا في غرفة خزين بتاعة البيت في إشارة بتقول إن في حاجه.

اتفقت معاهم إن الموضوع ده مش هايخرج بره، الناس اللي حضرت الكشف، أنا والحاج والد عبد القادر وعبد القادر ومرزوق.

فضلت معاهم في المكتب لحد ما نقلوا الجثه للمشرحه علشان أخلص إجراءات الدفن ... عارف إن أخوات أحمد مش هايعرفوا يعملوا حاجه، وأول ما وصلت جائتني مكالمه من الحاج محمد...

الحاج محمد : أزيك يا خالد...

خالد : شوفت يا حاج اللي حصل...

الحاج محمد : البقاء لله.

خالد : ونعم بالله.

الحاج محمد : ما تعرفش في حاجه اتسرفت ولا لا؟

خالد : مش عارف والله يا حاج.

الحاج محمد : طب ابقى طمني.

أنهى الحاج محمد المكالمة بسرعة ... استغربت الأمر ولكن توقعت أن يكون في إنتظار مبلغ مالى في الشركة وهو يخاف على ممتلكاته فهو لا يشبع من الأموال، ودا طبيعي بالنسبة لمعظم رجال الأعمال اللي زي الحاج محمد.

الموضوع ماكنش سهل في الأول بس بعد كده اتفقت مع عبد القادر، ومرزوق يجيبوا معدات حفر وبتدي الحفر ومع زيادة عمق الحفر كان الأمل بيضيع لحد ما الحاج والد عبد القادر قال ما نجيب الشيخ يكشف على المكان اللي كان قال ان في لعنه ومقبرة تحت.

وبالفعل عبد القادر جاب واحد من البلد معروف عنه الخبره في الموضوع ده وابتدي يكشف من غير ما نوصله لغرفة الحفر وبعد ما ابتدي يقول شوية كلام ماحدش فينا كان سامع منه حاجه قال الغرفة الى هناك دي فيها أيه قلنا خزين البيت؟ .. رد وقالكملوا حفر بس قبل ما امشي عايز عرقي .. ولهف 5000 جنية ابن المفتره ومشي.

كملنا حفر لحد ما وصلنا عمق 9 متر، لحد ما لاقينا مجموعة تماثيل ذهب صغيرة الحجم عددها 25 في صندوق خشب محفور عليه رموز فرعونية، حاجه تستاهل الحفر

والتعب الى العيال تعبته ... هنا قلت لهم: قسمة العدل أنا
هاخذ 50% وإنتم 50% زي ما أنتم شايفيين أنا اللي عمال أدفع
كل المصاريف...

اندفع مرزوق وقال: نعم وأنا فين من الكلام ده ... ولكنه
هدي بعد ما عرفته إنه هايأخذ من عيلة عبد القادر 10%
والصندوق ده مش هايكون أول مصلحه لينا مع بعض.

في نفس اللحظة قررت إني أخلص الموضوع، وقلت: هاكتب
لكم شيك بـ 2 مليون جنية وإنتم هاتدوا مرزوق ميتين ألف لما
تصرفوا الشيك، وكده تبقى قضيت والكل مبسوط. حكمة
الحاج والد عبد القادر حكمت الموضوع وقال : 3 مليون يا باشا
ونوصلك لحد باب البيت. بس أنا رديت: 3 مليون ولو حصلي
حاجه أنتم عارفين أنا ورايا ناس ثقيلة.

تابعت الإجراءات كلها لحد ما انتهى الأمر ولكن لم يتم دفن
الجثة للتشريح.

رجعت البيت لاقيت عادل في انتظارى، وما أن دخلت حتى
قالي لي: البقاء لله واخدني بالحضن وقعدنا مع بعض وبعدها
مشي.

بعد فترة لاقيت عادل أخويا بيتردد على البيت كثير، وأنا
كنت مستغرب بس قلت: عادي ممكن يكون مش عايز يسبيني
لوحدي في البيت بعد فراق ماما وأعز صديق ليا.

خرجت من بيت عبد القادر وروحت على طول وخبيت الصندوق.

في اليوم الثاني كانت مقابلة الحاج محمد، وبعد حوارنا اتفقنا على أثنين مليون ونصف دولار أمريكي وبالفعل كتب لي الشيك، واستلم الصندوق وتمت العملية زي الفل، وبقت العلاقة بيني وبين الحاج محمد مش علاقة إني موظف عنده ... لا بقت علاقة إني مورد مهم، ممكن في أي لحظة أجيب له حته تستاهل دهب.

الصراحة كانت العلاقة جميلة، وأنا كسبت من وراها كثير، وكان مرزوق أي حاجه تظهر يحيي يبلغني وأنا بالفلوس أتدخل وأخلص المصلحة، وعن طريق الحاج محمد بيتم البيع وأنا ما ليش فيه بتتباع فين وإزاي وبكام ... زي ما هو مالهوش أنا خلصت بكام وخلصت إزاي؟

مكاسب مرزوق خلت مصلحته معايا أكثر من الحاج محمد، لأن الحاج محمد كان بيديله القليل وأنا كنت بقرقه فلوس طول الوقت، فولاؤه بقا ليا، ولما كان الحاج محمد يسأله: أيه الأخبار يرد ويقولوه: والله يا باشا الحالة ناشفه ويعرفني على طول.

في مرة لاقيت عادل بيقولي: أنت بتدخل غرفة المكتب ولا لا؟

فرديت عليه وقلت له: طبعًا لما بيكون عندي شغل ... بس رد فعل عادل كان غريب...

- أمال مش بتنضيفها زي باقي الشقة ليه؟ وليه مانع بنت
البواب لما تطلع إنها تنضيفها، وكنت قافلها بمفتاح ليه؟ ...
الحوار رايح على فين؟

خالد : أنا مش قافلها بمفتاح...

عادل : أنا اضطريت أكسر الباب ... دا كان مقفول.

خالد : يا عم أنا. مش بقفل الباب

عادل : أمال مين ؟

خالد : أكيد جلال.

عادل : جلال مين؟

خالد : أخونا.

عادل : أنت أتجننت يا خالد .. جلال أخونا مين ؟

خالد : في أيه يا عادل ... هو اختفاء جلال خالك تنسي إن
ليك أخ اسمه جلال؟

عادل : إحنا مالناش أخ اسمه جلال...!

خالد : أزاى ؟

عادل : بقولك أيه تعالى هنا أحكي لي مين جلال ده...

خالد : يا عم أخونا ... دا أنقذني مره لما ناس ضربوني.

عادل : طيب هافترض إن لينا أخ اسمه جلال ... فين
غرفته؟

خالد : هنا...

عادل : دي غرفة المكتب...

فجأة شعر خالد بدوار عنيف وسقط على الأرض مغمى عليه دون أي سابق إنذار، وعلى الفور قام عادل بالاتصال بالإسعاف ونقله لأحد المستشفيات القريبة من البيت.

في المستشفى عادل مع الدكتور واقفين بجوار سرير يرقد عليه خالد والممرضة تعطيه بعض الأدوية ليهدا ... وفجأة سمعت الحوار بين عادل والدكتور...: إن أنا بعاني من انهيار حاد... وكان عادل عمال يتكلم: عن إني بقول إن في شخص موجود وهو مش موجود اسمه جلال.

حاولت مرارا أن أرد وأقول: أخونا جلال موجود... ولكن لم يخرج الصوت وكأنه حبيس الروح وليس الجسد وبعد أن خرج الجميع شعرت بقيود تمنعني من الحركة، لم تكن قيوداً مادية ولكن يبدو أن الممرضة أعطتني مخدراً من نوع قوي ... ولكني شأهت جلال يدخل الغرفة مع خروج الممرضة وهي سابتتي وحيداً في الغرفة مع أخي جلال، ولكن هي ليه ما اخدتش بالها منه وهي خارجه.

-اخرج لهم يا جلال وقولهم إنك موجود ... أنا مش بحلم ولا مجنون ... اخرج يا جلال ... أنت مش بترد ليه؟ ولية ملامحك بتختفي من عيوني؟ ولا دا المخدر اللي الممرضة اديتهوني قوي ولا في أيه؟

بأقي المأدمة

"كل طماع ذليل"

مئل مجري

لم تكن المقبرة صغيرة الحجم فقد استعان شيت بما قام بتنفيذه بمقبرة الملك حور محب لتنفيذه بمقبرته؛ لأنه أحس أنها من أجمل وأفضل المقابر، وإنها سوف تساعد على الانتقال للحياة الأبدية بسهولة وتعيّنه على مواجهة أي أهوال قد يقابلها.

لذلك فقد نحت سجلاً كاملاً لما قام به في حياته، وما تم على يديه من إنجازات في معاونته للملك حور محب، وما استطاع أن يصل إليه وكيف تمت خيانتته من الملك وإزاحته من هذا الكيان العظيم بعد ما قام به وتنصيب رمسيس مكانه.

لذلك فقد نقش على المقبرة من الخارج الكثير بدءاً من الشمال للجنوب حتى سرد كل الأحداث والتفاصيل التي تخصه وتساعد في رحلته الأبدية ... رحلة ما بعد الحياة.

نقش في البداية نفسه وهو يقف خلف الملك حور محب، ومن ثم نفسه حاملاً رمز العدالة (ماعت) في يده اليسري وفي يده اليمنى ريشة.

بعد ذلك وإلى الجنوب كان هنا نقشين الأول له وهو يقدم القرايين إلى الإله بتاح، والآخر له وهو يقدم القرايين للإله سوبك سيد أمبوس.

ثم بعد ذلك نقوشاً لابن الإله ست محب المشرف على المخازن، وهو يتعبد للإله أمون رع ويقف من وراءه الإله سوبك.

ومن ثم تدخل للمقبرة لتجد الكثير والكثير فقد كانت مقسمة لطابقين؛ وبالطابق الأول تجد أنها مقسمة إلى ثلاث غرف الأولى: تحمل جثمان شيت وتابوته الذهبي الكبير الحجم، والذي نقش عليه لعنة لإبعاد اللصوص، وفي الغرفتين الأخريين الأولى: تم رصّ جميع مقتنيات شيت الشخصية والثمينة وبعض الدفاتر التي تحوي أسرار عن الملك حور محب، لم يعرف عنها سوى شيت، والغرفة الأخيرة بالطابق الأول كانت لجميع المقتنيات الخاصة بالملك حور محب، التي استولى عليها شيت قبل الهروب وقبل مغادرة منصبه.

في الطابق العلوي لم يكن هناك الكثير فقد تم تقسيمه لغرفتين فقط كبيرتين؛ الأولى تحوي تاريخ حافل من إنجازات شيت، وعلى الحائط الجنوبي صغرة هي الممر للغرفة الأخرى، التي كانت تخص اللعنات التي طلب أن ترسم وتكون على الحائط، ومنها تجد السلم المؤدي للغرفة السفلية الخاصة بتابوت شيت.

الفصل الخامس

من هنا كانت البداية للنهاية

فضلت محجوز في المستشفى أسبوعين ونصف حتى ياسمين
ما كنتش بتسأل عني ... ابتديت واحده واحده أحس إن فعلا
جلال دا وهم وشخصية خياليه، بس مين اللى عمل كل ده
ومين اللى انتقم لي من الناس اللي ضربوني؟؟ ... مش عارف بس
الواضح إنى مش سليم.

كان ليا جلسات مستمرة مع الدكتور اللي بيتابع حالتي
وبيسألني على جلال طول الوقت، وأنا مش عارف أقوله على
حاجه غير ذكرى تدخله لما انضربت، ولكن هو كان بيحاول
يطلع مني أي ذكريات عنه وللأسف ما كنتش لاقى.

كنت مضطر إنى أصدق إن فعلا جلال ده خيال، ودي
الحاجة اللي عاقلني كان رافضها طول الوقت لحد ما حصلت
المفاجأة.

المكان شقة في شارع جامعة الدول

فجأة صوت مفتاح يفتح باب الشقة اللي في الدور الثالث، ودخل شخص يرتدي سويت شيرت لا يظهر معالم وجهه بسهولة وما أن دخل حتى وصل لتراييزة السفارة، وطلع من تحت السويت شيرت لفافة متوسطة الحجم وتركها على التراييزة.

ثم دخل إلى الحمام ومن خلف باب الحمام كان صوت الماء المنهمر من الدش، وصوت بكاء يمتزج مع صوت الماء ... فترة طويلة مازال الصوت يأتي من الداخل ولكن دون أن نعلم من يكون هذا الشخص الذي يبكي وما سر هذه اللفافة؟.

في أحد الأيام حضر عادل للمستشفى وشاهدته من بعيد وهو يدخل مسرعاً من نافذة غرفتي ... تخيلت أنه جاء لزيارتي فجلست وانتظرته طويلاً .. ولكن لم يحضر، مرت الدقائق كالدهر...

مللت الانتظار حتى ظهر عادل مغادراً المستشفى مرة أخرى توقعت أنه أتى لسداد بعض المصاريف الخاصة بي، ولكنه لم يحاول أن يحضر لمقابلتي ... هل أصبحت عبئاً عليه أم ماذا؟

بعد ساعتين دخلت الممرضة وأخبرتني أن الدكتور المتابع لحالتي يطلب مقابلتي، وبالفعل تحركت معها ونزلت لمقابلته ... أحسست أنه سوف يخبرني بمجيء عادل، ولكن قررت أن أشتبك معه لمنع عادل من زيارتي.

أول ما دخلت المكتب لاقيت الدكتور واقف عند الشباك وماسك ورق عمال يقرأ فيه ... توقعت إنه تقرير الحالة بتاعي،

وأنه بيراجعه قبل ما نقعد مع بعض، ولكنه نظر لي نظرة مختلفة عن كل مرة فهاجمته بالكلام وقلت له:

خالد : لو سمحت يا دكتور.

الدكتور : نعم يا خالد.

خالد : ممكن أسأل سؤال مهم؟

الدكتور : أتفضل أسأل زي ما تحب.

خالد : إنت إزاي تمنع عادل يقابلني؟

الدكتور : أنا ما منعتش عادل إنه يقابلك...

خالد : نعم ... إزاي يعني؟

الدكتور : أنا ما منعتش عادل إنه يقابلك...

خالد : إزاي وأنا شايفه دخل المستشفى من أكثر من ساعه، وخرج وهو شكله متعصب.

الدكتور : هو كان جاي يطمئن عليك ومشى...

خالد : طب ليه ما جاش يقابلني في الغرفة زي كل مره؟

الدكتور : مفيش... جاله تليفون شغل واضطر إنه يمشي بسرعه.

خالد : ماشي يا دكتور .. بس أنا مش مقتنع.

الدكتور : قولي يا خالد.

خالد : نعم يا دكتور.

الدكتور : إنت بتحب تقرأ روايات.

خالد : عادي يعني لو لاقيت رواية حلوه ممكن أقرأها ..
بس مش دايماً.

الدكتور : كلمني عن ماما...

خالد : ماما دي كانت كل حياتي وأجمل حاجه كانت
موجوده في حياتي...بس راحت الله يرحمها.

الدكتور : إنت ما حبتش قبل كده أو في قصة حب حالیه؟
خالد : لا حبيت طبعا...

الدكتور : احكي لي آخر مغامراتك...

خالد : مفيش في بنت اسمها ياسمين أتعرفت عليها في كافي
قريب من المكتب، وبعد كده طلعت زميلة في الشغل...

الدكتور : بس هي ليه مش بتسأل عليك ؟

خالد : ما تعرفش إني هنا...

الدكتور : وليه ما بلغتاش...

خالد : مفيش بدل ما تفتكر إني أتجننت ولا حاجه...

الدكتور : فكرت تكتب اللي بيمر بحياتك قبل كده ...
مذكراتك يعني؟

خالد : لا أنا مش بحب الكتابه ...أنا اتقل حاجه على قلبي
إني كنت أحل موضوع التعبير في الامتحانات.

الدكتور : ماما كانت بتحب الكتابه؟

خالد : مش فاكتر تقريباً آه ... ما هي في الأصل مدرسه.

الدكتور : تفتكر ماما كانت بتكتب روايات؟

خالد : آه ماما كانت بتقعد في غرفة جلال ... قصدي المكتب تقعد بالساعات.

الدكتور : ما فكرتش تقرأ حاجه من الي ماما كانت بتكتبها؟

خالد : مش فاكتر...

الدكتور : مش فاكتر ولا مش بتحب تقرأ الروايات بتاعة ماما؟

خالد : مش فاكتر إني قرّيت حاجه من روايات ماما أو فكرت في الموضوع ده.

الدكتور : بقولك أيه ... أنا معايا رواية حلوه تحب تاخذها تقرأها ؟

خالد : هات ... بدل الملل الي أنا قاعد فيه هنا.

الدكتور : ملل مين بس دا أنا سامع إنك طول الوقت بتغني، وأحياناً بتعاكس الممرضات كمان.

خالد : هات الرواية يا دكتور أعاكس مين؟ دول نصهم لو بصيت في البطاقه هاتلاقهم دكر.

الدكتور : ماشي هاصدقك ... أتفضل الرواية بس ترجعها سليمه تاني لأحسن دي غالبية عليا.

خالد : ماشي يا دكتور هاخلي بالي منها...

وصلت ياسمين لمكتب الحاج محمد وما أن وصلت حتى
أدخلتها داليا على الفور، كان الحاج محمد أستاذ ياسمين
لمقابلته لأمر هام...

ياسمين: ازيك يا حاج؟

الحاج : تمام ..إنتِ أيه أخبارك؟

ياسمين : الحمد لله ... كله تمام...

الحاج : ماتعرفيش حاجه عن خالد؟

ياسمين : لا للأسف بقاله 3 أسابيع تليفونه مغلق من
ساعة الحادثة.

الحاج : أنا بعث له حد البيت أكثر من مره بس مفيش حد
هناك.

ياسمين : أنا قلقانه عليه جداً.

الحاج : وأنا كمان قلقان عليه...

ياسمين : هو حضرتك طلبتني علشان كده ...

الحاج : آه طبعاً ... خالد دا زي ابني...

ياسمين : طب تأمرني بأي حاجه تاني؟

الحاج : شكراً...

خرجت ياسمين من عند الحاج وغادرت بينما دخلت داليا
السكرتيرة لمكتب الحاج محمد، وسألته: في أي جديد يا عم

الحاج؟ فرد بعصبية... وقال: لا ومن ثم أخرج السيجار وبدأ في تنفيذه بعصبية.

غادرت داليا مكتب الحاج محمد وما أن خرجت حتى حاولت الاتصال مرة أخرى بخالد لعله يرد وتستطيع أن تطمئن الحاج محمد ولكن تليفونه مازال مغلق.

عاد خالد لغرفته وترك الرواية على المكتب المجاور لسريه .. غرفة المستشفى مملدة لأقصى الحدود ابيض من كل الجهات حتى الكراسي، الألوان التي عليها تكاد تقارب للون الأبيض بسبب كثرة الغسيل ... الصراحة المستشفى دي شكلها صعب بس أنا اللي عملت في نفسي كده.

دق الباب ودخلت الممرضة ووضعت الطعام على الترايز، وقبل أن تضع الطعام إزاحت الرواية للسري .. تحركت من مكاني لأجلس على السري وانا .. ماليش نفس اكل .. نظرة بسيطة جانبية للرواية لمحت اسم الرواية في ثاني ورقة جلال العاصي.

انتفضت من مكاني وأمسكت الرواية من هذا الشخص؟ ومن يعرفه؟ وكيف لصاحب الرواية أن يعرف جلال ومن أتى باسم العاصي؟ .. بدأت أتصفح الورق، ومع تصفحي الورق لم أكن أستطيع أن أتوقف -من يكون هذا الشخص؟ وكيف لهذا الكاتب أن يسرد حياته بمثل هذه الدقة ... أنا قريت الكلام ده قبل كده.

من يكون هذا الجلال ومن أين أتى إلى مرة أخرى؟؟

لقاء الدكتور مع عادل خلال زيارته للمستشفى...

عادل : إزيك يا دكتور؟

الدكتور : أهلا استاذ عادل...

عادل : أنا عرفت مين جلال؟

الدكتور : جلال مين ؟

عادل : جلال العاصي...

الدكتور : معلش جلال مين بالضبط

عادل : اللي خالد فاكر إنه أخونا.

الدكتور : مين هو؟

عادل : شخصية في رواية من روايات ماما كانت بتكتبها ...

الدكتور : معاك الروية دي ؟

عادل : اتفضل يا دكتور ..

الدكتور : قريتها ؟

عادل : معظمها ... معظم الكلام اللي بيقوله خالد مكتوب

فيها.

الدكتور: طيب واضح كده إنه بيتقمص الشخصية بس يا

تري وصل لحد فين مع الكلام ده؟

عادل : ربنا يستر .. لأحسن الشخصية دي من وصف ماما
بتعمل كل حاجه غلط كتير

الدكتور : ما تقلقش يا عادل بيه الموضوع بسيط ان شاء
الله

ومن ثم غادر عادل مسرعاً .. وبقي الدكتور يستعرض لمحات
من الرواية بسرعه كما طلب تصوير نسخه منها وتحفظ بملف
خالد ثم طلب إحضار خالد لمكتبة للتحديث معه.

لم يتناول خالد وجبته واستمر طوال اليوم يقرأ بالرواية
دون كلل او ملل .. الكلام ده مش غريب عليا وانا قريته قبل
كده .. بس انا فاكراني عملت حاجات من الكلام ده كتير .. دي
قصة حياتي ولا حياة جلال .. انا هاتجنن .. مستحيل تكون
صدفة.

دخلت الممرضه ومعها جرعة الادوية الخاصة بالمساء
ووجدت الوجبة كما هي لما يقترب منها حتي فابلغته في حالة
عدم تناول الوجبة سوف تخبر الدكتور وقد يسحب الرواية
فقدمت له وجبة بديلة ساخنه تناولها بسرعه واخذ جرعة
الدواء ثم استمر في قراءة الرواية.

كلما تعمق خالد في الرواية اكثر كلما احس أن جلال يخرج
من داخله فقد كان التصادم بين خالد وبطل الرواية انه ليس
اخوه .. انما بطل للرواية وهو قد عاش هذا البطل واحس انه
الوحيد القادر على إخراجة من كل مشكلة.

جلس الحاج محمد بعد مغادرة الجميع من المكتب في
إنتظار مرزوق وما ان حضر حتي كان ما حدث

الحاج محمد : اتفضل يا مرزوق

مرزوق : تسلم يا عم الحاج

الحاج محمد : بقولك .. عرفت الي حصل ل احمد

مرزوق : خير

الحاج محمد : اتقتل

مرزوق : نعم .. ازاي

الحاج محمد : زي ما بقولك كده

مرزوق : دا كان معاه حتة متكلفة وعاليه قوي

الحاج محمد : ما انا عارف

مرزوق : وهي فين ؟

الحاج محمد : أنا جبتك علشان أعرف هي فين ؟

مرزوق : مش عارف أنا سلمتها له من شهر...

الحاج محمد : وهو أتقتل من شهر يا فالح.

مرزوق : بقولك يا حاج لو فاكر إنك هاتقتل الأستاذ أحمد

علشان تاكل عليا مصلحتي...؟

الحاج محمد : اهدى يا حيوان ... مش علشان عملت لك

قيمة وجبتك نشوف الحته فين ... تعمل دوشه وتقرفي؟!

مرزوق : بقولك أيه يا عم الحاج ... أنا مش هاسيب حقي.
الحاج محمد : حق مين يا حيوان؟ ... أنت ولا ليك أي لازمه
وهأبلغ أن أنت اللي قتلتته...

مرزوق : قتلت مين يا عم الحاج .. أنا ولا أعرف حاجه...

الحاج محمد : اطلع بره يا حيوان...

مرزوق : أنت عمال تغلط وأنا ساكت لك ...

في هذه اللحظة انقض مرزوق على الحاج محمد وأطبق
كفيه على فمه حتى ضاعت ملامح الحياة من عينيه ... حاول
الحاج محمد أن يقاوم ولكن ضخامة جسده كانت عائق أضاع
سبيله للنجاة من هذه العملية.

خرج مرزوق من الشركة وهو يجري دون أي سبيل ... خاف
أن يبلغ الحاج محمد عنه، وهو لم يقتل أحمد ولكنه أصبح
قاتلاً الآن وبدلاً من أن يكون البرئ المذنب، أصبح المذنب إلى
الأبد ... كيف استطاع أن يزهق هذه الروح دون أي رحمة... إنه
الخوف.

في اليوم التالي التقى كلٌّ من خالد والدكتور، وهنا نظر خالد
للدكتور نظرة ثقة فقد علم أن الدكتور أصرَّ على هذه الرواية
لعلمه بأنها هي السبب فيما حدث لخالد... أراد أن يخرج أحمد
من قبره فهو الوحيد القادر على إثبات وجود جلال ولكن أحمد
في ذمة الله.

لقاء في غاية الصرامة سأل الدكتور خالد: كيف كانت الرواية... ورد في محاولة لمعرفة: من أين أتى بها ولكن الدكتور لم يبح بمصدرها ... وكان الحوار يدل على العنف...

الدكتور : مالك يا خالد؟

خالد : مفيش .. عايز أعرف مين اللي كتب الكلام ده؟

الدكتور : يهملك تعرف؟!

خالد : أكيد....

الدكتور : طب تتخيل جت من فين الرواية؟

خالد : حد كتبها من اللي قلته على جلال...

الدكتور : تخيل .. غلط...

خالد : أمال مين؟

الدكتور : دي رواية من مكتبة والدتك...

خالد : ماما...

الدكتور : آه من مكتبة ماما ... والواضح إنك كنت بتقراها وتقمصت الشخصية...

خالد : مستحيل...

الدكتور : بص الحالة دي ممكن تروح مع بعض المهدئات وبعض الأدوية.

خالد : ماشي يا دكتور ... أنا معاك لحد ما أخف.

سافر مرزوق إلى بلده في قفط بمحافظة قنا، وبقي مختبئاً وسط أهله لعلها الحماية التي يريدها ويخاف أن تسلب حريته دون ذنب، ولكنه لم يكن يعلم أن المكتب بالكامل مراقب من خلال كاميرات وأن كل ما حدث قد تم تسجيله بالكامل.

في اليوم التالي حضرت داليا باكراً كما اعتادت وما أن فتحت المكتب حتى فوجئت بالحاج محمد ملقاً على جانبه... اقتربت منه بحذرٍ شديد حتى وصلت إليه، قامت بمحاولة إيقافه ولكنها لم تكن تعلم أن الروح قد سلبت وأنه مات.

تطلعت إلى الجثة أكثر من مرة، وحاولت أن تهزه بشدة لعله يستفيق أو يكون يعاني من أي مرض فيشعر بها ويعتدل حتى تأكدت أنه مات... هنا أطلقت صرخةً مدوية في المكتب، جعلت البواب يصعد مهرولاً ليجدها مغمى عليها بالمكتب، وعلى الفور يتصل بالبوليس ويبدأ التحقيق والمباحث الجنائية تنتشر في المكان لتجري الأمر.

وصل خالد إلى الشركة بعد مرور أكثر من شهرين، وجد أن الشركة مغلقة وليس بها أي من الموظفين، وعندما نزل السلالم توجه لغرفة البواب وسأله: ... هي الشركة مقفولة ليه؟! رد وقاله: الحاج محمد تعيش أنت ... ذهل خالد ونظر إليه بتعجب... وهو يقول: لا حول ولا قوة إلا بالله ... ولكن البواب عاجله بباقي المعلومات: أن الحاج محمد قد قتل ولم يمت طبيعياً.

خرج خالد من العمارة مذهولاً... حاول الوصول لياسمين والتحدث معها أكثر من مرة، ولكنها لم ترد ... شهران من العلاج المستمر بالمستشفى وهو مازال في حالة عدم اتزان، هل بسبب غياب ياسمين أم بسبب هذا المرض الذي حضر دون سابق علم؟!.

يا ترى جلال ممكن يكون رجع ثاني ويكون هو اللي قتل أحمد والحاج محمد ولا مستحيل؟! ... أسئلة تجري داخله مثل سريان الدم بعروقه، ولكن ماذا الآن، عاد إلى المنزل وحضر كوب قهوة وجلس في البلكونة يتأمل الشارع تارةً ومغمضاً عينيه تارة أخرى لعله يحس الهدوء.

يقف تاكسي أمام إحدى عمارات جامعة الدول، وتنزل فتاة تتحرك دون أن يظهر وجهها من الإشارب والنظارة الشمسية التي تغطي وجهها، وتدخل العمارة وتختفي داخل الأسانسير ويصعد بعد ذلك.

تدخل الفتاة للشقة وما أن تدخل حتي تجد لفافة على الترابيزة فتترك شنطتها الشخصية، وشنطة اللابتوب بجوار اللفافة وتتحرك بسرعة داخل الشقة بحثاً عن شريكها، وبالفعل تجد صوت المياه المتهمر بالحمام فتطرق الباب وتقول:

-داليا...

-داليا...

-داليا...

يفتح باب الحمام وتظهر داليا عارية تماماً وهي تبكي والبخار يغطي المكان بشكل أنه أظهرها كما تخرج من الجحيم لتقابل شريكها.

انتفض خالد من مكانه وهو يقول: إزاي أنا ما افتكرتش كل الكلام ده قبل كده؟ وإزاي راح من بالي أتكلم فيه مع الدكتور؟! ...

الفصل السادس

صاحب انتفاضة خالد دخوله الشقة مسرعاً والتوجه لغرفة المكتب الخاصة بوالدته، وهو في حالةٍ من الجنون، إذا كانت رواية جلال العاصي من تأليف والدته، فمن الطبيعي أن يجد غيرها داخل المكتب وقد يجد ضالته بشخصية تساعد على حل كل المشكلات.

ما أن وقف أمام باب المكتب حتى وجد القفل على الباب، ومن الصعب اقتحامه ولكنه لم ييأس فذهب للمطبخ وأحضر شاكوش كبير الحجم، وأخذ يطرق على القفل مراتٍ متعددةٍ، حتى أصاب الهدف وانفصل القفل عن بيته، وأنهى أجله بين يديه، لم يكن دخول المكتب سهلاً كما توقع فقد وقف على الباب وهو يشعر برهبة المكان، فقد يتحول لشخصية جديدة دون أن يعلم من يكون! ولا يعلم مدى الأخطار التي قد تحدث بما هو مقدم عليه!.

انطلقت داليا لحضن ياسمين دون أي شعور وهي عارية تماماً، وأخذت تبكي بشكل هستيري وياسمين تحاول أن تهدئ

من بكاءها في محاولة لفهم ما حدث، ولكن كثرة بكاءها جعل الأمر صعباً حتى أجلستها على الأرض.

تركتها ياسمين وأحضرت البورنص وغطتها، ثم جلست بجانبها وهي تحاول معرفة سبب كل ما حدث! وبالفعل حكّت داليا: أنها ذهبت كما تم الاتفاق بعد تعطيل معظم الكاميرات، ودخلت المكتب وأخذت التمثال، وما أن ذهبت للباب للمغادرة حتى أحست بخطوات بالخارج، وكان أحمد عاد ليلقى مصيره فقامت بقتله على الفور دون أي تردد.

ذهلت ياسمين مما تسمعه وسألتها: إنت أيه اللي عملتيه ده وإزاي تقتلي؟! إحنا متفقين كل حاجه تخلص من غير دم، ومن غير ما حد يحس بينا، وبعدين دلوقت هانعمل أيه وهانتصرف إزاي؟! وما أن نظرت لداليا حتى وجدتها منهارة وتبكي.

نظرت طويلاً لداليا ولا تعرف ما يجب أن تفعله، وبالفعل قررت أن تبدأ في الخطة البديلة، وقالت لداليا: إنتي لازم ترجعي الشغل بكرة عادي، وكأن مفيش أي حاجه، لو حد حس بأي حاجه هانروح في داهية وإنت أكثر واحده هاتتأذي من ده.

انفجرت داليا: نعم، إزاي إحنا شركاء في الكلام ده كله ، مفيش هزارومش هالبس القضية دي لوحدي؟! ولكن ياسمين نظرت لها بهدوء وقالت: مفيش حد هايلبس حاجه إحنا ما عملناش حاجه وماحدث يعرف إننا نعرف بعض أساساً لازم نهدي...أنا هاخذ التمثال أسلمه للمشتري واستلم الفلوس واجي نقسم، وكل واحد يختفي، بس لازم نهدي شوية قبل ما نختفي سامعه يا داليا.

بعصبية تنفجر داليا: وأنا أش ضمني إنك هاتفضلي معايا
لحد الآخر ومش هاتبلغني عني؟! نظرت لها ياسمين ...: إحنا بينا
اتفاق ومفيش حد هايرجع فيه بس هانصبر شهرين تلاته لحد
ما الموضوع يهدى ونخلص من الحته ونبيعها.

أغمض عينيه وقال لنفسه وهو يدفع الباب بهدوء: ما
اعتقدش ممكن يحصل أكثر من اللي فات!... ودخل يتفقد
المكان في هدوء، وبالفعل ما أن ذهب ليجلس على المكتب،
مكتب بسيط يتكون من أدراج بالجانب الأيمن والأيسر وخالي
من الوسط، وتناول الواحد تلو الآخر، يبحث عن أوراق كاملة،
ولكن لم يجد أي شيء يجعله يتناوله للقراءة، وقرر أن يخرج،
ولكن أثناء وقوفه أحس باصطدام قدمه بشيء ملتصق بالمكتب
من الأسفل.

هبط خالد مسرعاً تحت المكتب ليجد ظرفاً كبير الحجم
ملتصقاً من الأسفل بالمكتب، وبالفعل قام بزرعه بسرعة،
ووضعه على المكتب، وظل ينظر لها أكثر من مرة وهو خائف أن
يبدأ بقراءته، فوجوده بهذا المكان لن يكون سهلاً كما هو
متوقع، فوجوده بهذا المكان دليل على خطورته ... نظرات خالد
للظرف جعلت بداية الأمر صعبةً فتركه، وخرج من المكتب وهو
يجول داخل الشقة ذهاباً وإياباً، متناولاً سيجارة وراء الأخرى.

حتى أصرَّ على أن يبدأ هذا الأمر حتى وإن كان آخر أيام
حياته الطبيعية، ودخل المكتب وهو يتنفس بشكل هيسيتيري

حتى وصل للمكتب، وأخرج ما بداخل الظرف، وما أن أمسك الملف حتى وجد عنوان الملف (رحلة اللعنة).

رنين الهاتف جعل خالد ينتفض ويترك الأوراق، ولكن الرقم لم يكن مسجلاً لديه فتناول الهاتف ورد عليه...

خالد : ألو

-ألو...

خالد : مين ؟

-المفتش اللي ماسك قضية صديقك أحمد.

خالد : أهلاً وسهلاً.

المفتش : كنت مختفي فين يا أستاذ خالد.

خالد : كنت بريح أعصابي.

المفتش : عرفت إن الحاج محمد أتقتل؟!

خالد : عرفت يافندم...

المفتش : منين .. مين بلغك؟

خالد : رحى المكتب وعرفت من البواب لما لاقيت الشركة مقفولة.

المفتش : كنت عايز حضرتك تشرفني شويه نتكلم...

خالد : أفهم من كده إنى متهم ولا إيه؟

المفتش : لا طبعاً ... شوية دردشه.

خالد : حاضر ... تحب إمتي؟

المفتش : دلوقت لو ممكن ... أنا تحت البيت.

خالد : طب أتفضل ولا أقول لحضرتك هانزل نقعد في أي مكان نتكلم...

المفتش : مستنيك على الكافية اللي في آخر الشارع.

خالد : خمس دقائق وهاكون عند حضرتك.

ترك خالد الأوراق وكل شيء، لم يستطلع سوى أول خمس ورقات، وهو ما جعله ينزل دون أدنى شك بما سوف يواجهه مع المفتش أو عند عودته عند الإطلاع على باقي الأوراق.

داخل شقة جامعة الدول...

ياسمين وداليا والتمثال وحالة من الذهول طوال الوقت والألم.

ياسمين : إزاي قتلتني أحمد ؟

داليا : مش عارفة؟!

ياسمين : موت الحاج محمد كمان بيسهل لنا الدنيا أكثر...

داليا : تفتكري مين تاني عارف عن التمثال الذهب.

ياسمين : مش عارفه بس إحنا كده بنروح للأمان من غير حد ما يودينا.

داليا : تقصدي أيه؟

ياسمين : مفيش بس أهم اتنين ماتوا ليهم علاقة بالتمثال.

داليا : أنا قتلت أحمد.

ياسمين : بطلي الكلمه دي.

داليا : دي الحقيقة يا ياسمين...!

ياسمين : إحنا لازم نخلص من الجريمة دي.

داليا : ما تيجي نلبسها لخالد!

ياسمين : بتفكري في أيه؟

داليا : جوايا كلام وأفكار كثير، بس أنا مش هادخل السجن
مهما حصل، ولو حصل مش هاروح لوحدي...

ياسمين : إنتي ناويه على أيه ؟

داليا : مش إنتي وخالد بتحبوا بعض...

ياسمين : مش حب دي علاقة صداقه مش أكثر، وهاتنتهي
بمجرد ما نبيع التمثال، وأسيب أم البلد دي خالص.

داليا : طب بصي إنتي تاخدي المسدس ده، وتروحي تقابليه
في البيت، وتحطي المسدس في أي حته مش ظاهرة...

ياسمين : مسدس مين ده؟

داليا : دا كان في خزانة أحمد وبكده هايلبس خالد القضية.

ياسمين : الله يغرب بيتك إنت بالغباء ده إزاي وأيه خلاكي
تاخدي أم المسدس؟! خرينا نفكر في حاجه مناسبة نخرج بيها

من الورطة دي من غير ما نأذي خالد، أو أي حد، بدل ما تلف
وترجع على دماغنا.

داليا : والله دا الحل اللي عندي.

ياسمين : اصبري وأنا هاوصل لحل ... فين أداة الجريمة.

داليا : رميتها في النيل وأنا جاية هو أنا مجنونه تفضل معايا
لحد دلوقت!!

ياسمين : أول مره أسمع إنك عملي حاجة صح.

دخل خالد الكافية وما أن نظر يميناً حتى وجد المفتش
يشاور له، فتوجه لطاولته على الفور وجلس بجانبه وسأله:
تشرب أيه؟ فقال خالد: قهوة مضبوط...

المفتش : ازيك يا أستاذ خالد؟

خالد : الحمد لله.

المفتش : ألف سلامه عليك.

خالد : متشكر جداً.

المفتش : تفتكر مين قتل أحمد والحاج محمد؟!

خالد : مش عارف!!

المفتش : أنا وصلت لقاتل الحاج محمد.

خالد : مين ؟

المفتش : واد بتاع سياحة اسمه مرزوق من قنا.

خالد : ودا قتل الحاج محمد ليه.

المفتش : مش عارف بس الكاميرا صورته وهو بيقتله...

خالد : وبعدين...

المفتش : أحمد ما كنش أتكلم معاك عن مرزوق ده خالص.

خالد : أنا قلت لحضرتك إني بقالي فترة مشغول،
وماشوفتهوش قبل ما يموت الله يرحمه.

المفتش : تعرف أيه عن تجارة الآثار؟!

خالد : أنا كنت سمعت إن الحاج محمد له علاقة بالموضوع
ده، بس ما شوفتش حاجه، ولا كان كلمني في أي حاجه خاصة
بكده...

المفتش : تفتكر ممكن يكون أحمد له علاقة بالموضوع ده؟!

خالد : مستحيل!!

المفتش : طب لو قلت لك إن أحمد في الفترة الأخيرة دخل
حسابه أرقام خرافية...!

خالد : بقول لحضرتك مستحيل أحمد يكون له علاقة
بتجارة الآثار!

المفتش : ليه؟!

خالد : أحمد غلبان وطيب ملهوش في الكلام ده...

المفتش : ماشي التحريات هاتبين الموضوع أكثر...

خالد : حضرتك عايز مني حاجة تاني...؟!
المفتش : شكراً .. يا ريت بلاش تتكلم في الموضوع ده مع حد...

خالد : بعد إذنك يا فندم.
ظل المفتش يراقب خالد وهو يخرج من الكافية، ويتبعد حتى قاطعة رنين الهاتف الخاص، فنظر للتليفون المحمول وظل يدقق النظر حتى قرر أن يرد على المتصل وهو مساعده...
المفتش : آلو...

المساعد : أيوه يا فندم...
المفتش : خيرا يا فاضل ... في أيه؟
المساعد : وصلنا لحاجه ممكن تساعدنا يا فندم في قضية قتل أحمد بتاع شركة السياحة.
المفتش : وصلت لأيه؟!

المساعد : لازم حضرتك تشوف بنفسك...
المفتش : أنا جاي لك حالياً... أما نشوف وصلت لأيه...!

أثناء عودة خالد للمنزل وهو سارح فيما دار بينه وبين المفتش، وفجأة تعالى رنين الهاتف فأخرجه من جيبه، وما إن طالع التليفون حتى وجد أنها ياسمين...
ياسمين : آلو...

خالد : إنتي فين كل ده؟

ياسمين : كان في ظروف هافهمك بعدين...

خالد : ظروف أيه تخليكي تنسيني...

ياسمين : مش وقته يا خالد دلوقت!

خالد : ماشي ...

ياسمين : إنت فين دلوقت ؟

خالد : مروح على البيت ونفسي أشوفك.

ياسمين : دلوقت صعب.

خالد : وبعدين طيب.

ياسمين : هاكمك تاني علشان لازم نتقابل.

خالد : ألو .. ألو .. ألو .

أنهت ياسمين المكالمة دون أي وداع، وحاول خالد أكثر من مرة أن يتصل ،ولكن لم تجب حتى فرغت البطارية الخاصة به من الشحن، فقرر أن يشحن التليفون عند عودته ليعاود الإتصال بها مرة أخرى .

نهایة المقدمة

العبد حر ما قنع والحر عبد ما طمع

"سلمان العودة"

فور أن طلب الكاهن من الأرواح ضمان الحماية، حتى تجسدت الدماء المسالة حول المقبرة بشكل مربع ومخيف لجسم ضخم يتحدث بصوت أجش رخامي... وهو يقول: ألا تصدق بقوتنا أم أنك تكذب صدق حمايتنا؟، على الفور هرع الكاهن لمغادرة المكان ولكن تابعه لم يكن بالأمين كما توقع.

ما أن اقترب الكاهن من الباب حتى عاجله هذا التابع بضربه قوية على رأسه؛ طمعاً في الحصول على بعض من مقتنيات المقبرة والهروب بها... سالت الدماء عند باب المقبرة ولم يكمل الكاهن مهمته بحفروصية صاحب المقبرة على الباب ومات، ودخل تابعه للمقبرة للحصول على ما يبغيه، وبالفعل أخذ تمثالاً كبير الحجم من الذهب الخالص بطول نصف متر وعرض 25 سم، وأثناء مغادرته سمع صوتاً يتحدث من الخلف وهو يقول:

-الطمع ... قاتل البشر وهالك الحرث...

ثم انتفض جسد التابع من المنتصف تماماً بسيف أسود ضخم، مما دفع التمثال خارج المقبرة وهو ما جعل الأرواح الشريرة تفشل في أول مهمة لحماية المقبرة بخروج أحد الكنوز. وهنا هلكت المقبرة بما فيها... واختفت تحت التراب وكأنها لم

تكن موجودة، أو أنشئت من قبل...ثغرة في الأرض أشبه بفوهة الجحيم ابتلعت المقبرة واختفت للأبد.

لم يشعر أي شخص بالقرب من المقبرة في ذلك الوقت بأي شيء، فقد حدثت هزة أرضية خفيفة لا يكاد يشعر بها الكثيرون، وانتهت المقبرة دون أن تحصل على الحماية ودون أن تبقى لتسرد ما حدث بالتاريخ في ذلك الوقت.

مرت الأيام وانتهت أسطورة حصن شيت وقام جنود الملك رمسيس بهدمه تماماً، وإزالة جميع معالمه وحاولوا كثيراً العثور على مقبرة شيت للتأكد من موته، ومحو أي زيف في التاريخ قد يكتبه أو يسرده لمن سوف يأتي في المستقبل.

مع مرور الأيام زحف العمران وانتشر بكل مكان في مدينة سوهاج، واختفت معظم معالم الصحراء وانتشرت الخضرة والزراعات بكل مكان، وأصبح مكان المقبرة المخفية ليس له موجوداً.

النهاية

وصل خالد لمنزله وما أن دخل حتى وضع التليفون على الشاحن، وبدأ في تجهيز كوب شاي كبير الحجم لإنهاء قراءة الأوراق الغربية التي وجدها، وعلى الفور دخل المكتب ونظر للأوراق وبدأ في القراءة.

وكانت المفاجأة مع كل ورقة تظهر...

وصل المفتش للمكتب فكان المساعد في انتظاره، وما أن دخل المكتب حتى قال له مساعده: أخرج يا فندم على المشهد ده ... كانت كاميرا إحدى الغرف الخاصة بمكتب السياحة وهي الغرفة الخاصة بالكاميرات وسيرفرات المراقبة، وبتدقيق النظر كان مشهداً لدخول شخصي يرتدي سويت شيرت، ويخفي وجهه بدقة ولكن بعد انتهاء المشهد... قال المفتش لمساعدته: أنت أهبل ولا عبيط ما أنا شوفت المشهد ده خمسين مره ... فقال له مساعده: ركز طيب يا باشا.

تم إعادة المشهد أكثر من مرة، ولكن المفتش أوقف الفيديو على لحظة معينة.

اتفقا كلا من داليا وياسمين على عدم اللقاء طوال الفترة القادمة، وإن مفيش حد يروح الشقة بتاعة جامعة الدول تاني لحد ما يوصلوا لحل، كما تركوا المسدس بنفس الخزينة بالشقة، واتفقا إن داليا تاخذ مفتاح الخزينة، وياسمين هي تحدد الأرقام السرية للخبزينة، بحيث لا يستطيع واحد منهما الحصول على اللقافة أو المسدس.

كان المشهد الذي توقف عليه الفيديو هو ما يريدہ المساعد أن يشاهده المفتش.

كان لصدر كبير الحجم تحت الملابس يؤكد أكثر من أمر؛ وهو القاتل أنثى وليس ذكراً، بذلك تم استبعاد مرزوق من جريمة قتل أحمد، وحجم الصدر كان كبيراً لدرجة أنه تذكر سكرتيرة الحاج محمد، لأنه كان ملفتاً للنظر ومثيراً.

في هذه اللحظة قال لمساعدہ: اعمل استدعاء لسكرتيرة الحاج محمد حالاً... وبالفعل تم الأمر.

كانت الأوراق تخفي الكثير من الحقائق الصادمة؛ فقد كان خالد يشعر أنه مصدوم وفي لحظات أحس أن الأمر قد يصل لان يموت بصدمة قلبية... كانت الأوراق ما هي إلا مذكرات خالد، لعدم نسيان أي شيء بسبب وجود جلال في حياته.

بالفعل أحمد كان يتاجر بالآثار مع الحاج محمد، ولكن بترتيب كل الأمور مع خالد، قطعة الآثار الأخيرة من الذهب الخالص، ومن الواضح إنها غالية جداً، تم ترتيب سرقتها من المكتب عن طريق داليا ... ومن خلال الأوراق، علم أن خالد كان يخشى جلال، ويخشى أن يدمر حياته، ولكن الأمر كان بالترتيب مع أحمد بدقة متناهية، ولكن ما خرج على النص كان مأساة.

فجأة دق جرس الباب فأنتنفض وخرج مسرعاً وأغلق باب المكتب، ومن خلف باب الشقة حاول أن ينظر من العين السحرية، وجد ياسمين متوترة في انتظاره أن يفتح الباب، وبالفعل فتح الباب ليجدها تدخل بسرعة، وتقول له: الغبية قتلت أحمد، وعائزه تلبسك القضية... فنظر لها بذهول وبعد ثواني قالت له: خالد إنت مالك مش بترد عليا ليه؟!.

خالد : بصي أنا مش فاهم كل ده حصل ازاي؟!

ياسمين : بص أنا ماليش فيه ... إحنا لازم نهرب حالاً.

خالد : بصي أنا لسه فاهم كل شيء لما قرئت الورق.

ياسمين : ورق أيه.

خالد : مذكرات بس ما كنتش متخيل إني حرامي وتاجر آثار وقاتل صديقي.

ياسمين : خالد ركز معايا.

خالد : ماشي...

ياسمين : فين الجوازات والتذاكر.

خالد : مش عارف...

ياسمين : فين المذكرات دي...

خالد : في المكتب جوه...

دخلت ياسمين وخالد للمكتب وأول شيء بدأت في البحث داخل الظرف، وبعد دقائق من البحث نظرت لخالد، وقالت فين شنطة سفرك، فنظر لها بتعجب وذهب لغرفة نومه ليخرجها، فقالت له: دور فيها... وبالفعل وجد ظرف متوسط الحجم به جوازي سفر، فخرج لها وهو يقول: لاقيتهم.. لاقيتهم.

تم استدعاء داليا للتحقيق ومع أول سؤال انهارت، وقالت كل ما لديها من معلومات، وقالت إن ياسمين كانت تساعد في كل شيء، ولكن المفتش لم ينته منها بعد، وعلى الفور قام بإصدار استدعاء لياسمين التي اختفت من كل الأماكن.

ولكن مازال هناك تفتيش لشقة جامعة الدول، وبالتفتيش وجدت الخزينة وبفتحها عثر على التمثال وتم إرساله للطب الشرعي لمعاينته، كما وجد مسدس أحمد القليل أيضاً، ولكن ياسمين لم يصبح لها أي أثر بكل الأماكن حتى أن التقصي عنها لم يسفر عن وجود أحد يمثل هذا الاسم - عقد إيجار الشقة كان باسم سعاد عبد المعطي - شخصية ليس لها وجود نهائي.

مطار القاهرة

صالة السفر رقم 1

أمام موظف الجوازات جلال العاصي وزوجته مريم محمد..
تم ختم الجوازات وتحركا إلى الصالة وبالفعل بعد عدة دقائق
كانا على متن الطائرة المتوجهة لقبرص.

خالد : وبعدين؟!

ياسمين : وبعدين أيه؟

خالد :إنتي ليه مافكرتيش تهربي وتسيبيني؟!

ياسمين : علشان إحنا بينا اتفاق...!

خالد : أنا حتى الآن مش قادر أتخيل إنني أكون سبب في موت
أعز صديق ليا.

ياسمين : كل حرب ولها ضحايا...

خالد : بس دا كان صديق عمري...!

ياسمين : انسى يا خالد...

خالد : طب والحتة اللى معانا دي؟!

ياسمين : مالها؟!

خالد : هانعمل بيها إيه؟

ياسمين : ما تقلقش اتباعت خلاص وراحت لصاحب
نصيبها...

خالد : ازاي ...

ياسمين : هاتعرف بعدين لما نوصل...

دخل المساعد على المفتش وهو يجري ويقول باشا في حوار
غريب...

المفتش : حوار أيه ؟

المساعد : الجثة اللى موجودة ؟

المفتش : مالها؟

المساعد : مش جثة أحمد؟

المفتش : نعم .. إزاي؟!

المساعد : تقرير الطب الشرعي أكد الكلام ده!

المفتش : استدعي البت السكرتيرة ...

المساعد : حاضر يا فندم...

وما أن وصلت حتى نظر لها المفتش وفي عصبية، قال لها:
إنتي قتلتى مين؟

داليا : أحمد.

المفتش : نعم يا روح أملك...؟!

داليا : في أيه بس يافندم؟؟!

المفتش : تقرير الطب الشرعي قال إنه مش أحمد...

داليا : مش عارفة والله .. دا دخل والدنيا ضلمه، وأنا
افتكرته أحمد، وخفت يشوفني فضربته على رأسه لحد ما
جسمه سكت عن الحركة.

المفتش : رجعها الحبس...

المساعد : يلا قدامي...

داليا : يعني مين اللي أنا قتلته؟

المفتش : هانعرف...

المساعد : اتحركي يلا...

في قبرص ما أن هبطت الطائرة حتى كان في انتظار خالد
وياسمين سيارة، هنا سأل خالد ياسمين: مين اللي بيعت لنا
عربية تاخدنا؟!... نظرت له وضحكت وقالت اصبر وهاتعرف...

خالد : هاعرف أيه؟

ياسمين : اللي باع الحته هو اللي رتب لنا كل ده...

خالد : هو مين ده؟

ياسمين : هاتعرف ماتستعجلش ...

تحركت العربية وما أن وصلت لأحد الفيلات المطلة على البحر حتى وجدا شخصاً يجلس على البحر يتناول عصيراً يهدوء ويدخن سيجاراً، يتصاعد الدخان منه بشراهة، ومع اقتراب خالد كانت دقات قلبه تتصاعد وتتسارع.

نقطة الشرطة بسوهاج...

الحاج والد عبد القادر جالس مع أمين الشرطة في النقطة.
الأمين : مالك بس يا عم الحاج ... اصبر هاجيب لك كوية شاي...

والد عبد القادر : ولدي بقاله شهرين مش عارف أوصله وقلبي واكلمي عليه قوي...

الأمين: مش يمكن مع موزه من بتوع السياحه ... مش هو شغال في السياحه وأنت عارف يا عم الحاج ممكن تكون واحده لعبت بدماعه، وسحبته معاها على بلاد الخواجات...

والد عبد القادر : ابني بقاله شهرين مختفي وما راحش الشغل من ساعة ما نزل يقابل أحمد بيه في القاهرة ... واختفى وحياة أبوك يا ولدي شوف لنا طريقة نعرف بيها سكتة...!

العسكري: هاعملك المحضر إنت حاول توصل لأحمد بيه ده، اللي شغال معاه وتشوف ابنك فين؟

والد عبد القادر: ربنا يستر ويرجعك بالسلامه يا ولدي ...

فجأة ألتف صاحب القبعة ليجده خالد ... أحمد صديقه
فانهار من أثر الصدمة، وبعد ساعات أفاق ليجد أحمد
وياسمين بجواره، وأحمد يقوله له: أيه رأيك أنا ولا عم جلال
بتاعك؟! فقال له خالد: أنا مش فاهم حاجه...!

أحمد : الموضوع سهل...

خالد : أنا عايز أفهم كل شيء...

ياسمين : أنا عايزه أكل الأول...

خالد : مفيش أكل غير لما أفهم الأول...!

أحمد : يلا يا حبيبتي خدي دش وغيري هدومك، لحد ما
أخلص مع خالد وبعد كده ننزل ناكل...

خالد : حبيبتك...

أحمد : الواضح إن جلال أكل من دماغك كثير!! ...
هافهمك كل شيء يا عم ، بص يا سيدي...

يجلس المفتش بمكتبه وهو يمسك القلم ويخط بعض
الدوائر على الورقة التي أمامه، يحاول ربط الأمور ببعضها
ولكن دون جدوى حتى قرر أن يحدد تساؤلاته وهي...

لمن تكون هذه الجثة التي عثر عليها بمكتب أحمد ؟

وأي اختفى أحمد مدير شركة السياحة؟

وأي اختفى خالد بعد آخر لقاء ؟

ومن تكون ياسمين ؟

-بص يا عم خالد

إنّ لما زقتني على الحاج محمد علشان تجارة الآثار، كان بياكل كثير، وأنا مش باخد غير 5% من البيعه، ودي بتتقسم بينا إحنا الثلاثة أنا وأنت ومريم ... قاطعة خالد مريم مين ...؟

فرد عليه وقال له: صديقتي اللي أنت جيت معاها من مصر، مش ياسمين وعليه اتفقنا أنا وأنت نبيع حته لصالحنا بس لوحدها، لو عملنا كده الحاج محمد ماكنش هاسبنا وعليه عرفت سكة البيع، ورميت مريم في سكة الحاج محمد عن طريق شركة أعرف صاحبها، وخليتها تسحب داليا علشان يكسبوا فلوس كثير بس داليا كانت طماعه ... ما علينا بداليا خدت الشر وراحت، بعد ما استلمت الحته من الواد مرزوق بعث عبد القادر علشان يجيها من المكتب وإديته المفاتيح، والمحفظة بتاعتي يحطهم في الخزينة، وعرفته الرقم السري وفي نفس الوقت، مريم بعثت داليا تسرقها وعليه واحد يقتل الثاني وقد كان داليا طلعت مفترية قتلت عبد القادر، كان التخطيط عبد القادر يجيب الحته، ويقتل داليا، وإحنا نخلص من عبد القادر وتبقى الحته بره البلد، وإحنا في الأمان بس اللي حصل غيّر الخطة.

من ساعة ما الواد مرزوق جاب التمثال وأنا وأنت دماغنا مش راضية تبطل تفكير في الموضوع ده والتمثال تقيل ويعمل

مبلغ محترم، بس لو كان الحاج محمد أخده ماكناش هانشوف منه غير الفتافيت يا عم خالد... وإنت عارف، دا في البيعه الأولانيه كسب من ورانا كتير واحنا ولا الهوا.

داليا قتلت عبد القادر والمصلحة إنها فرتكت رأسه، والأحلى إنه كان نفس جسمي فالكل افتكر إنه أنا وبشوية فلوس في الطب الشرعي، أخرت إن التقرير يقول: إنه مش أنا... ما الفلوس بتعمل المعجزات يا صاحبي ... نظر له خالد وقال: وبعدين !!؟

أكمل أحمد: مفيش خرجت من البلد بجواز سفر مضروب زي جوازك، وجيت على هنا خلصت على الحته ... كنا بناخد 5 أو 10 مليون دولار دلوقت إحنا بايعين الحته ب 250 مليون دولار ... تفتكر المغامرة دي ما كنتش تستاهل كل ده.

داليا لبست القضية لأنها قتلت عبد القادر.

عبد القادر نصيبه يموت على أيد داليا.

الحاج محمد نصيبه يقتله مرزوق...

مرزوق غي كان هايبيكي مكان الحاج محمد، وبيعت لنا شغل على هنا...

وأنا وأنت ومريم نبدأ حياة جديدة ومعانا اللي يعيشنا ملوك .. أيه رأيك ؟

نظر خالد لأحمد وهو في حالة صدمة مما سمعه، ولكنه قال له: بس جلال ما كتبش كل ده في الورق وأنا مش قادر

افتكر الكلام ده فعلا... فقال له أحمد: ... يا بني جلال دا شخصية إحنا عملناها زمان لما انضربنا ولا إنت مش فاكرك؟، جلال شخصية صابغة عملناها أنا وأنت علشان ننتقم من عم أمين والعيال اللي ضربونا وكانت فكرتك يا معلم.

خالد : يعني إيه؟

أحمد : خالد ... أنت اللي مخطط كل ده وأنت اللي عملت شخصية جلال...

خالد : يعني جلال دا وهم...

أحمد : جلال العاصي تذكرة هروبنا من كل ده.

خالد : إزاي دي الرواية أمي اللي كتبها...

أحمد : إحنا كنا كاتيين الرواية دي وأنت قلت لي لو حصل أي شيء أخط الرواية فين؟

خالد : وأنت دخلت المكتب إزاي وهو مقفول بالقفل؟!

أحمد : أنت اللي قلت لي إزاي أدخل واديتني نسخه من مفتاح القفل...

خالد : والملف اللي في المكتب؟!

أحمد : كنت لازقه من تحت علشان لو حصل أي شيء تشوف الورق وتقرأه وتفتكر...

خالد : أنا دماغي هاتنفجر...

أحمد : من أيه بس؟

خالد : طب مش داليا كانت شايلة التمثال مع ياسمين في
الخزنة...

أحمد : تمام.

خالد : خدت التمثال إزاي ???

وقفت مريم عند الباب... وهي تنظر لهم وتقول تصدق يعني
إنت عامل كل ده، ونسيت إننا كنا عاملين تمثال مزيف نفس
شكل وحجم التمثال بتاعنا.

خالد : طب أخذتي التمثال ازاي وإمتي ؟

مريم : أول ما وصلت الشقة بدلت التمثال الحقيقي مع
المزيف، وفضلت مع داليا لحد ما نزلنا من الشقة، وهي مقتنعه
إن التمثال الحقيقي في الخزنة.

أحمد : يلا يا خالد إحنا لسه قدمنا حياة، عايزين نعيشها،
انسى كل اللي فات ... ولازم نشوف مين ممكن يجيب لنا تحت
تاني علشان نكبر أكثر واحنا هنا...

خالد... ما تقلقش جلال كان عامل أسماء الناس اللي
ممكن نجيب منهم الشغل ده...
يرد أحمد: حبيبي يا جلال...

أنتهى ...

"للتواصل مع الكاتب"

Hassan.ezzeldin80@gmail.com

<https://www.facebook.com/groups/Modawenty>

